

Rruga e PERËNDISË

Ju falënderojmë për përdorimin e planeve tona të mësimit për shërbesën e adoleshentëve. Nëse dëshironi të keni të gjithë manualin së bashku me materialet për shpërndarje dhe vizualet, plus CD-në me vizualet dhe materialet me ngjyra, ju lutemi kontaktoni zyrën tonë në Durrës për t'i blerë ato. Donacionet e sjella për këto manuale do të na ndihmojnë ne për të përkthyer dhe prodhuar materiale më të mira mësimdhënieje për mësuesit. Perëndia ju bekoftë ndërsa e përdorni literaturën tonë për frymëzimin tuaj në shërbesën e mësimdhënies.

Skuadra e BUFSH-së.

Nxitja për të rinjtë



BUFSH

BASHKËSIA E UNGJILLIZIMIT
TË FEMJËVE E SHQIPËRISË®

Rruga e PERËNDISË

Manuali fillimisht i përgatitur nga *Bashkësia e Ungjillizimit të Fëmijëve*® e Irlandës

Rishikimi: Philippe Mayhew, Marika Mayrdorferdhe David Crutchley

Faqosja: Brent Hautle

Ilustrimet: Marek Moskor

Përktheu: Ornela Shuqja

Redaktoi: Irena Sema

Copyright © 2007 Child Evangelism Fellowship® of Europe

Të gjitha të drejtat e rezervuara. Përdorur me leje.

Mund të riprodhohet vetëm për përdorim personal, shërbese, jofitimprurës ose jo-komercial. Vizitoni www.teachkids.eu/al për më shumë detaje mbi lejen e përdorimit.

Citimet e Shkrimit janë marrë nga

version i Biblës në shqip ABS (1991-1994).

Copyright © 1994 Albanian Bible Society A.B.S.

Printed in Albania



BUFSH
BASHKËSIA E UNGJILLIZIMIT
TË FËMIJËVE E SHQIPËRISË*

Bashkësia e Ungjillizimit të Fëmijëve, Shqipëri
Lagja 18; Rruga "Vaso Pasha",
Durrës, Shqipëri
bufshdurrës@gmail.com



BUF
BASHKËSIA E
UNGJILLIZIMIT
TË FËMIJËVE*

Bashkësia e Ungjillizimit të Fëmijëve,
U.C.K nr 5
Gjakova, Kosovë
50000
[email: metokaja@yahoo.com](mailto:metokaja@yahoo.com)

Përmbajtja



Hyrja	5
Rruga për tek Perëndia	
Mësimi 1 • Perëndia i Vërtetë	7
Mësimi 2 • Pengesat dhe Bekimet	11
Mësimi 3 • Ura e Shpëtimit	15
Mësimi 4 • Shfajësimi	19
Duke jetuar sipas Rrugës së Perëndisë	
Mësimi 5 • Koha e Qetë	23
Mësimi 6 • Fryti i Frymës	27
Mësimi 7 • Autoriteti	31
Mësimi 8 • Zotërimet	35
Mësimi 9 • Morali	39
Mësimi 10 • Koha	43
Nxitja Përfundimtare	
Mësimi 11 • Zgjidh Rrugën e Perëndisë	47
Mësimi 12 • Besoji Perëndisë gjatë Rrugës	51
Shtojca 1: Vizualet	57
Shtojca 2: Materiale për shpërndarje	83

Hyrja



**Të ndihmohet
adoleshentët që të
mësojnë rrugën e
Perëndisë**

Manuali *Rruga e Perëndisë* është prodhuar nga *Bashkësia e Ungjillëzimit të Fëmijëve*® të Evropës për shërbesën e Nxitjes për të Rinjtë. Është pjesë e një cikli pesë vjeçar dhe siguron material të mjaftueshëm për 12-24 sesione.

Mësimet janë shkruar për 11-15 vjeçarë por mund të përshtaten edhe për një grup me moshë më të madhe. Mund të plotësojnë nevojat e adoleshentëve të shpëtuar e të pashpëtuar. Disa mësimet japin një paraqitje të qartë të ungjillit, ndërsa disa të tjerë i ndihmojnë të krishterët e rinj në ecjen e tyre me Perëndinë, por disa prej tyre janë një kombinim i të dyjave.

**Të synohet
mendjet, zemrat
e duart**

Objektiva të qarta jepen në fillim të çdo mësimi, duke u fokusuar në tre aspekte:



njohje



emocione



veprime.

Është mjaft e rëndësishme që jo vetëm të mësojmë doktrinën, por edhe ta zbatojmë me besnikëri. Adoleshentët duhet të inkurajohen që t'i zbatojnë në praktikë mësimet në jetën e tyre të përditshme.

Një objektiv shtesë **PA** jepet për të treguar sesi të pashpëtuarit duhet t'i përgjigjen mësimet.

**Duke përdorur
një sërë
metodash**

Shënime për mësuesit janë vënë në shkrim të pjerrët gjatë tekstit të mësimet. Ata sigurojnë një sërë metodash lehtësuese për përfshirjen e adoleshentëve: studime specifike, laujtje roli, skeçe, intervista, grupe pune etj.

Disa metoda kanë nevojë për shumë kohë. Rekomandohet që mësimi të ndahet në dy pjesë, në mënyrë që të ketë një përdorim të plotë të metodave.

NDARJA E MËSIMIT

Kjo ndarje shënon vendin ku ndahet mësimi. Nëse mësuesi duhet të mbulojë të gjithë mësimin njëherësh, do t'i duhet të zgjedhë idetë që janë më të dobishme për grupin dhe ta lerë pjesën tjetër.

**Përgatitni vizuale
dhe materiale për t'u
shpërndarë**

Vizualet dhe materialet për t'u shpërndarë jepen për të gjitha mësimet. Ata kanë numra dhe janë në fund të manualit. Teksti i mësimet tregon se ku duhen përdorur. Ju lutem vini re se ato mbrohen me të drejtat e autorit dhe mund të përdoren vetëm nga zotëruesi i të drejtave.

Nëse vizualet do të përdoren në një grup të vogël, ata mund të zmadhohen në letër ose karton. Në një grup të madh, është mirë të fotokopjohen ose të përdoren në video projektor.

Disa vizuale nuk duhet të zbulohen përnjëherësh. Mësuesi mund të vendosë mbulesa dhe t'i heqë pak nga pak ndërsa jep mësimin. Kjo mund të ndihmojë në ruajtjen e vëmendjes. "Vizuali i



përmbledhjes" duhet të përdoret për të përmbledhur mësimet e mëparshme dhe për të shpjeguar vazhdimësinë. Përsëri është më mirë të zbulohet pak nga pak.

Materialet për shpërndarje duhet të fotokopjohen dhe t'u ndahen adoleshentëve. Ata përfshijnë disa ide krijuese: fjalëkryqe, tabela, pyetje etj. Adoleshentët mund t'i plotësojnë ato gjatë programit ose më vonë në shtëpi. Do t'i ndihmojë që të përsërisin mësimet dhe të mësojnë përmendësh pikat kryesore.

Mësuesi gjithashtu mund të përdorë dosjet Power Point®, në CD.

Të shtosh ngjyra me CD-në

CD-ja përmban:

+ Të gjitha vizualet në

bardhë e zi dhe

me ngjyra në Adobe

Acrobat PDF dhe Power Point.





+ Të gjitha Materialet për shpërndarje në bardhë e zi dhe me ngjyra në formatin PDF.

Vetëm zotëruesi i këtij materiali ka të drejtën e përdorimit të CD-së.

Shpresojmë që ky material të jetë një bekim për shumë mësues dhe adoleshentë.

Perëndia i Vërtetë

Synimet: Ne duam që adoleshentët:

-  të mendojnë se nga e dinë që ka një Perëndi.
-  të mrekullohen me karakteristikat e Tij të mahnitshme.
-  të jenë gati që t'i flasin të tjerëve për Të.
-  të kërkojnë që ta njohin Atë dhe të besojnë në Të.

Hyrje: Unë nuk e shoh Perëndinë!

Si mund ta dimë se diçka e padukshme ekziston vërtetë, p.sh. era, elektriciteti? Ne e dimë që ata ekzistojnë për shkak të asaj që ata



bëjnë. (Tregoni Vizualin 1. Duhet të mbulonit pesë provat. Zbulojeni secilën provë ndërsa përparoni me mësimin). Nëse ke një motoçikletë, rryma elektrike që vjen nga bateria bën që ajo të ndizet. Ndërsa ecën me motor, mund të

ndjesh erën e fortë që të fryn. Edhe pse nuk mund ta shohësh rrymën elektrike ose erën, ti nuk dyshon nëse ato janë aty, po jo. Në këtë studim ne duam të mendojmë për ekzistencën e Perëndisë. Një shok mund të të thotë, “Unë nuk mund ta shoh Perëndinë kështu që unë nuk besoj që Ai ekziston.” Ndoshta kështu mendon edhe ti. Por ne mund ta shohim atë që Perëndia bën. Le të shikojmë provat që na sugjerojnë se ka një Perëndi.

Nga e dimë ne që ka një Perëndi?

Krijimi – Psalmi 8:1, Psalmi 19:1, Psalmi 24:1

Do t’ju tregoj për orën time. Shumë vite më parë të gjitha pjesët e kësaj ore ishin brenda

disa kutive në një raft në një fabrikë orësh. Të gjitha pjesët e ndryshme të saj ishin atje – kuti me ingranazhe, susta, rripa. Pastaj një natë rafti ra nga muri. Të gjitha pjesët e ndryshme ranë në dysheme – dhe në mënyrë të mahnitshme të gjitha ato u bashkuan dhe bënë këtë orë!

A e beson këtë histori? Sigurisht që jo! Kur shikon diçka të tillë si ora dhe shikon se si të gjitha pjesët e ndryshme punojnë bashkë, është e dukshme që e ka projektuar dhe e ka bërë dikush. Nuk mund të bëhej thjeshtë rastësisht.

Është e mahnitshme se si shumë njerëz shohin botën në të cilën ne jetojmë me të gjithë bukurinë dhe projektimin e mahnitshëm të saj dhe besojnë se e gjithë ajo erdhi nga një aksident. Kur mendojmë për rregullin dhe saktësinë e kësaj bote dhe në të vërtetë të të gjithë universit, duhet të jetë e qartë për ne se nuk mund të ketë ardhur në ekzistencë thjeshtë rastësisht. Duhet të bëjmë pyetjen, “Kush e projektoi dhe kush e bëri atë?” Bibla na tregon se ishte Perëndia. Ky shpjegim përshtatet me të gjitha provat që kemi rreth nesh, të cilat tregojnë për një Projektues inteligjent i Cili krijoi universin.

Bibla gjithashtu na tregon që Perëndia krijoi njeriun. Është e mahnitshme se si shumë antropologë (antropologjia është studimi i njeriut) bien dakord se njerëzimi ka një dëshirë për të adhuruar, madje edhe në situatat më primitive. Njerëzimi adhuron hënën, diellin, pemët. Madje në shoqërinë tonë njerëzit adhurojnë artistët e rokut, personalitetet e sportit dhe udhëheqësit e mëdhenj. Njerëzimi ka një dëshirë për të adhuruar sepse u krijua nga Perëndia.

Ndërgjegjja – Romakëve 2:15a

A ke qenë ndonjëherë në një situatë kur të është kërkuar të marrësh pjesë në diçka por ti nuk je i sigurt nëse është gjë e mirë apo jo? Ndoshta të ndezësh një cigare ose të shikosh një DVD të pisët? Ndërsa po mendon se çfarë duhet të bësh, diçka brenda teje duket se të thotë se është e gabuar. Kjo është ndërgjegjja jote që po vepron. Tek Romakëve 2:15a lexojmë për njerëz ndërgjegjja e të cilëve i drejtonte ata që të vepronin në një mënyrë që e kënaqte Perëndinë, edhe pse ata kurrë nuk kishin pasur mundësinë të lexonin ligjet e Perëndisë. Ndërgjegjja është zëri i brendshëm i Perëndisë i cili na tregon se çfarë është e drejtë dhe çfarë është e gabuar.

Bibla – Zanafilla 1:1

Bibla nuk e argumenton ekzistencën e Perëndisë. Ajo fillon me fjalët, “Në fillim Perëndia krijoi ...” (Zanafilla 1:1). Ekzistenca e Perëndisë deklarohet si një fakt që duhet besuar dhe jo si diçka që duhet provuar! Bibla fillon me faktin që Perëndia ekziston dhe vazhdon të na tregojë se si është Perëndia. Na tregon se si Perëndia u mor me njerëzit në Dhjatën e Vjetër (si Moisiu dhe Abrahami), si u mor me një komb si ai i Izraelit dhe se si Ai u mor me dishepujt dhe apostujt në Dhjatën e Re. Bibla zbulon Perëndinë dhe madhësitinë e Tij!

Jezusi – Gjoni 8:28-30, Hebrenjve 1:1-3

Zoti Jezus Krisht është Perëndia Bir. Kur Ai erdhi në tokë, jeta dhe veprat e Tij na zbuluan Perëndinë. Kur ishte dymbëdhjetë vjeç, mësuesit në tempull ishin të mahnitur me urtësinë e Tij (Lluka : 46-47). Gjatë jetës së Tij, Ai bëri mrekulli dhe shëroi shumë njerëz. Njerëzit që e dëgjonin Atë ndërsa mësonte nuk kishin dëgjuar kurrë më parë dikë që të mësonte në atë mënyrë (Mateu 7:28). Ai foli fjalët e Perëndisë dhe qartazi mësoi se kushdo që e kishte parë Atë kishte parë Perëndinë


(Gjoni 14:8-9). Ai ishte shkëlqimi i lavdisë së Perëndisë mbi tokë. Dhe, pasi vdiq në kryq, Perëndia e ringjalli Atë prej së vdekuri, duke provuar se Ai në të vërtetë është Perëndia Bir (Romakëve 1:4).

Të krishterët – 2 Korintasve 5:17

Ka shumë njerëz sot që shpallin se e kanë njohur Perëndinë duke besuar në Zotin Jezus. Dëshmia e tyre, përgjigjet e lutjeve dhe ndryshimet që kanë ndodhur në jetët e tyre janë të gjitha prova të ekzistencës së Perëndisë.

Nuk është e mundur të provosh apo ta hedhësh poshtë shkencërisht ekzistencën e Perëndisë. Prova që ne kemi parë tregon qartë që në të vërtetë Perëndia ekziston.

Metoda: Kartolina



Ndajini adoleshentët në grupe me dy ose tre persona. Fotokopjoni Materialin 1 dhe jepjani çdo grupi. Adoleshentët duhet të imagjinojnë që kanë marrë kartolinën A nga një shok që thotë se nuk ka Perëndi. Ata

duhet të përgjigjen me kartolinën B. Kur të mbarojnë kërkonin që vullnetarisht të lexojnë tekstet e tyre me zë të lartë.

NDARJA E MËSIMIT

Si është Perëndia?



Bibla na tregon disa gjëra rreth Perëndisë që për ne është e pamundur t'i kuptojmë plotësisht. (Tregoni Vizualin 2). Ai na mëson se Perëndia është Trinitet – Perëndia Atë na do ne,

Perëndia Bir pagoi çmimin për mëkatin tonë, Perëndia Frymë e Shenjtë jeton në jetët e të krishterëve. Tek Mateu 3:16-17 ne i shohim të tre personat e Trinitetit – Perëndia Atë flet, Biri është pagëzuar dhe Fryma e Shenjtë zbret. E megjithatë ka vetëm një Perëndi. (Ligji i Përtërirë 6:4). Bibla mëson gjithashtu se Perëndia është Frymë (Gjoni 4:24). Ai nuk ka një trup si trupi ynë. Këto gjëra nuk mund të kuptohen nga mendjet tona njerëzore!

Sidoqoftë Bibla na ndihmon që të kuptojmë se si është Perëndia, duke na treguar disa nga karakteristikat e Perëndisë. Çdo varg në fletën e punës na tregon diçka për Perëndinë. Shëno në hapësirën anash atë që çdo varg thotë për Perëndinë.

Metoda: Grupe pune mbi atributet e Perëndisë

Ndajini adoleshentët në grupe me dy ose tre

Karakteristikat e Perëndisë		Karakteristikat e Perëndisë	
Shëno të gjitha vargjet dhe shëno karakteristikat e Perëndisë që shprehin këto.		Shëno të gjitha vargjet dhe shëno karakteristikat e Perëndisë që shprehin këto.	
Vargu	Karakteristika	Vargu	Karakteristika
Psalmi 90:2		Psalmi 90:2	
Zanafilla 17:1		Zanafilla 17:1	
Zanafilla 1:1		Zanafilla 1:1	
Psalmi 139:2-4		Psalmi 139:2-4	
Zbulesa 15:4		Zbulesa 15:4	
Isaia 45:21b		Isaia 45:21b	
Romakëve 1:18		Romakëve 1:18	
1 Korinthas 2:10		1 Korinthas 2:10	
Psalmi 103:1		Psalmi 103:1	
1 Petri 1:2		1 Petri 1:2	
1 Korinthas 13:12		1 Korinthas 13:12	

Materiali 2

persona. Dhe jepini çdo grupi materialin 2. Le t'i shikojnë vargjet për afërsisht dhjetë/

pesëmbëdhjetë minuta. Pastaj le të mblidhen prapë të gjithë bashkë dhe të rishikojnë përgjigjet duke i krahasuar ato me Vizualin 3.

Karakteristikat e Perëndisë	
Vargu	Karakteristika
Psalmi 90:2	I Përrjetshëm
Zanafilla 17:1	I Plotfuqishëm
Zanafilla 1:1	Krijues
Psalmi 139:2-4	I Gjithëdijshëm
Zbulesa 15:4	I Shenjtë
Isaia 45:21b	I Drejtë
	Zemërimi
	Shkurria
	Mëshira
	Hiri

Vizuali 3

Shënimet e mëposhtme mund të ndihmojnë në përmbledhjen e karakteristikave të Perëndisë. Katër karakteristikat e para lidhen vetëm me Perëndinë. Të tjerat janë attribute të cilat ne duhet

t'i pasqyrojmë në jetët tona.

Psalmi 90:2: I Përrjetshëm

Perëndia ka ekzistuar gjithmonë dhe do të ekzistojë gjithmonë. Ai është pa fillim dhe pa fund. Kjo e vërtetë e madhe për Perëndinë tonë duhet të na mbushë me frikë.

Zanafilla 17:1: I Plotfuqishëm

Asgjë nuk është tepër e vështirë për Perëndinë. Ndonjëherë ne jemi të dëshpëruar. Duket sikur nuk ka rrugëdalje. Le të mbajmë mend se Perëndia nuk është i kufizuar ashtu si ne. Fuqia e Tij është e pafund. Duhet t'i besojmë Atij.

Zanafilla 1:1: Krijues

Perëndia bëri botën tonë dhe gjithçka në të. Atij iu desh vetëm të fliste për ta sjellë botën në ekzistencë. Le të mos harrojmë se jemi krijuar prej Tij dhe për Të. Jetët tona duhet të jenë në një qëndrim adhurimi ndaj Tij.

Psalmi 139:2-4: I Gjithëdijshëm

Perëndia di gjithçka, kështu që ne duhet të jemi të kujdesshëm me mendimet tona veprimet dhe motivet tona. Ai e njeh të kaluarën, të tashmen dhe të ardhmen, kështu që Ai mund të na udhëheqë ne. Ai i di nevojat, problemet dhe dobësitë tona kështu që duhet të jemi të kënaqur.

Zbulesa 15:4: I Shenjtë

Kjo është karakteristika që theksohet më shumë në Shkrim. Perëndia është tërësisht i ndarë prej mëkatit. Prandaj Ai është shumë ndryshe nga ne. Përgjigja jonë duhet të jetë adhurim i shoqëruar me një kuptim të madh të mëkatshmërisë dhe padenjesisë sonë.

Isaia 45:21b: I Drejtë

Perëndia është tërësisht i drejtë në gjithçka që bën.

Romakëve 1:18: Zemërimi

Perëndia ka një zemërim të thellë kundër mëkatit i cili kërkon që ai të ndëshkohet. Ky është reagimi i vetëm i mundshëm i një Perëndie të drejtë kundër mëkatit.

1 Gjonit 4:8: Dashuri

Perëndia e tregoi dashurinë e Tij për ne në vdekjen e Zotit Jezus Krisht. Ai e do të krishterin me një dashuri të veçantë. Çfarë ngushëllimi është për ne që të dimë që ky Perëndi i madh na do neve thellësisht.

Psalmi 103:8: Mëshira

Perëndia nuk na jep atë që meritojmë. Ai na fal në vend që të na ndëshkojë. Ai mund ta bëj këtë për shkak të veprës së Birit të Tij. Ai është i mëshirshëm kur ne pendohemi.





Efesianëve 1:7: Hiri

Perëndia na bekon ne edhe pse ne nuk e meritojmë. Ai na jep ne Pasuritë e Perëndisë me Shpenzimet e Krishtit.

Çfarë Perëndie të mrekullueshëm që kemi! Dhe sa e mrekullueshme është që ne mund ta njohim Atë! Në takimin tonë të ardhshëm ne do të shohim disa gjëra që na pengojnë që të njohim Perëndinë, si dhe disa bekime që vijnë kur ne e njohim Atë. ●

Pengesat dhe Bekimet

Synimet: Ne duam që adoleshentët:

-  të kuptojnë se mëkati na pengon që të njohim Perëndinë.
-  të jenë të vetëdijshëm për bekimet e mrekullueshme që kemi kur e njohim Atë.
-  të falënderojnë Perëndinë sepse në Krishtin pengesat janë hequr dhe bekimet rrjedhin.
-  të largohen nga mëkati dhe të besojnë në Perëndinë.

Hyrje: Të ndaluar në kufi!

Në takimin tonë të fundit kemi menduar se nga e dimë që ka një Perëndi dhe se si është Perëndia. (Pyetini adoleshentët nëse i mbajnë mend pesë provat dhe dhjetë karakteristikat). Në udhëtimin e jetës sonë ne duhet të shkojmë drejt Perëndisë. Qëllimi ynë është që ta njohim Atë. (Tregoni Vizualin



4 në mënyrë progresive ndërsa vazhdoni me mësimin) Kur bëjmë një udhëtim të gjatë, ndonjëherë kalojmë një kufi. Nëse një polic i doganës na ndalon, ai mund të bëjë pyetje të ndryshme për të vendosur nëse ne mund të kalojmë ose jo. Çfarë mund të na pengojë që të kalojmë? Pasaportë e skaduar, prodhime të ndaluara, etj. Sot duam të mendojmë për pengesat në rrugën për tek Perëndia.

Çfarë na pengon ne që të njohim Perëndinë?

Mëkati

Shiko Isaia 59:2 për të gjetur se cila është pengesa midis nesh dhe Perëndisë. Është mëkati. Perëndia është i shenjtë dhe ne jemi mëkatarë dhe mëkati ynë na ndan nga Perëndia. Na pengon që ta njohim Atë. Nuk mund të mohojmë se jemi mëkatarë sepse kemi lindur në mëkat (Psalmi 51:5). Kjo do të thotë se çdo pjesë e jona është e ndikuar nga mëkati dhe për këtë arsye ne kemi një prirje të brendshme për të mëkatuar. Çdo ditë bëjmë gjëra të mëkatshme. Ndoshta ti mëkaton në mendimin tënd, ose me diçka që thua ose bën. Isaia 59:2 në të vërtetë na thotë se Perëndia nuk mund ta pranojë, mëkatin – Ai e fsheh fytyrën e Tij prej nesh dhe nuk do të na dëgjojë.

Idhujt

Shiko Eksodi 20:3, lexoje në heshtje dhe pastaj thuaje me fjalët e tua. Fatkeqësisht ne nuk i bindemi këtij urdhërimi bazë që Perëndia na ka dhënë. Ne kemi idhuj në jetët tona. Idhull është çdo gjë që zë vendin e Perëndisë dhe si rrjedhim na pengon që ta njohim Atë.

Metoda: Revistat

Jepuni adoleshentëve revista dhe kërkoni secilit që të presë një figurë që përfaqëson një idhull modern. Pastaj secili le të prezantojë figurën e zgjedhur dhe të shpjegojë se si kjo mund të zërë vendin e Perëndisë në jetën e dikujt. Inkurajojini adoleshentët të shqyrtojnë jetët e tyre ndërsa shohin këto figura.

A ke idhuj në jetën tënde? A mund të jenë ata yje të popit, personalitete të sportit, një skuadër futbolli, të merresh me sport, një person, një grup shokësh, kompjuteri, televizori, ose madje edhe detyrat e shkollës? Disa nga këto gjëra mund të jenë të mira në vetvete.

Kështu pra në rrugën tonë ka pengesa të cilat na pengojnë që ta njohim Perëndinë. Këto janë pengesa të cilat kurrë nuk mund t'i largojmë vetë, sado që të përpiqemi. Por lajmi i mirë është se Perëndia dëshiron që ti ta njohësh Atë dhe Ai e ka bërë të mundur këtë! Perëndia të do ty kaq shumë sa që dërgoi Birin e Tij, Zotin Jezus Krisht në këtë botë. Pasi jetoi një jetë të përsosur, Zoti Jezus vdiq në kryq në Kalvar për të marrë ndëshkimin për të gjithë mëkatin në jetën tënde, i cili të pengon ty të njohësh Perëndinë.

Shiko Veprat 3:19 dhe shiko se çfarë duhet të bësh. A je gati të kthehesh nga mëkati yt? A do t'i heqësh idhujt nga të qenit të parët në jetën tënde dhe ta bësh Perëndinë të parin në jetën tënde? Atëherë Perëndia do të ta falë mëkatin dhe do ta bëjë të mundur që ta njohësh Atë. Kjo është e vetmja mënyrë për të kaluar pengesën dhe për të jetuar me Perëndinë përgjithmonë. Kur ndodh kjo do të zbulosh se të njohësh Perëndinë të sjell kaq shumë bekime.

NDARJA E MËSIMIT

Cilat janë bekimet kur njeh Perëndinë?



(Zbulojeni pak nga pak Vizualin 5). Mendo sikur po sheh hartën e

vendin që dëshiron të vizitosh. Shikon rrugë piktoreske, liqene, kështjella, etj. Pasi të kalosh kufirin do të zbulosh shumë gjëra të

mahnitshme në këtë tokë të re. Po kështu nëse hyn në mbretërinë e Perëndisë do të jesh i mahnitur nga ajo që do të zbulosh. Perëndia është kaq i mirë me ne dhe na jep kaq shumë bekime. Le të shikojmë disa prej tyre dhe të lavdërojmë Perëndinë për dashurinë dhe mëshirën e Tij!

Falje për mëkatin: Hebrenjve 9:22b

Nëse je larguar nga mëkati dhe i ke besuar Krishtit si Shpëtimtar, tani je tërësisht i falur. Perëndia i ka hedhur në fund të detit mëkatet tona (Mikea 7:19). Ai nuk do t'i kujtojë më ata (Jeremia 31:34). Nuk do të ndëshkohesh më për mëkatin tënd sepse Krishti e ka marrë ndëshkimin me vdekjen e Tij në kryq. Çfarë sigurie e mahnitshme!

Paqe që zgjat: Filipianëve 4:7

Kur kemi një marrëdhënie të drejtë me Perëndinë, nëpërmjet besimit në Krishtin, atëherë përjetojmë një paqe të thellë. Vetëm Jezusi mund të falë mëkatin dhe vetëm Jezusi mund të japë këtë paqe të thellë. Kur bëhemi të krishterë Fryma e Shenjtë jeton në jetët tona (Gjoni 14:16-17). Rezultati është paqe që zgjat. Kënaqësitë e botës mund të japin paqe deri në njëfarë mase, por kjo nuk zgjat dhe nuk kënaq. Ne mund të kërkojmë për paqe dhe kënaqësi tek të gjithë idhujt që përmendëm më parë, por nuk do mund ta gjejmë. Mund të kërkojmë gjithë jetën tonë për paqe por mund të gjendet vetëm tek Jezusi. Mos zgjidh boshllëkun që ofron Satani.

Qëllim për jetën: Fjalët e Urta 3:5-6

Pa Perëndinë, ne endemi pa qëllim në jetë. Por ndërsa njohim Perëndinë dhe Fjalën e Tij, kuptojmë se jemi në këtë tokë për një qëllim. Qëllimi është që t'i japim lavdi Perëndisë. Para së gjithash ne duhet t'ia japim jetët tona Atij. Pastaj duhet të dëshirojmë të adhurojmë Perëndinë. Gjithashtu duhet

të kemi një dëshirë për t'i shërbyer Atij. Ky është qëllimi i jetë sonë. Perëndia ka një plan të veçantë për secilin nga ne, për të na ndihmuar që të arrijmë qëllimin tonë në jetë. Nëse i besojmë Atij, Ai do të na e tregojë atë dhe do të na mbajë në atë plan.

Fuqi për të fituar: 1 Gjonit 4:4

Si besimtarë të rinj ne jemi në betejë të vazhdueshme kundër mëkatit, por Perëndia na ndihmon të triumfojmë mbi mëkatin me fuqinë e Frymës së Shenjtë. Satani do që të na mundë, por Fryma e Shenjtë jeton në ne dhe është më i madh se Satani. Kështu që mos u dorëzo në jetën e krishterë! Mbaj mend se ne jemi në anën e fitores! Duhet t'i besojmë Perëndisë se do të na japë fuqi që të jetojmë për Të, por ende kemi rolin tonë për të luajtur duke e njohur Atë nëpërmjet Biblës dhe lutjes.

Privilegji i Qiellit: 1 Thesalonikasve 4:17

Ky është një shpërblim për besimtarët besnikë. Ne do të jemi me Perëndinë përgjithmonë. Kur të krishterët vdesin ata nuk janë më në trup por janë me Zotin. (2 Korintasve 5:8).

Nuk do të ketë më betejë kundër mëkatit, nuk ka më vështirësi, nuk ka më dhembje ose sëmundje dhe nuk ka më refuzim nga ata që nuk e njohin Perëndinë. Qielli është atje ku është Jezusi dhe ne do të jemi me të përgjithmonë. Ne jemi të sigurt për këtë. Po ti a do të jesh atje?

Metoda: Çështje studimi



Jepini materialin 3 të gjithë adoleshentëve. Lexojini historitë së bashku dhe diskutoni pyetjet. Kjo do t'i ndihmojë adoleshentët të kuptojnë se sa të mrekullueshme janë bekimet që ne kemi në

Krishtin. Ato plotësojnë nevojat tona më të mëdha.

- Pamela duhet të marrë një vendim të madh për të ardhmen e saj. Është koha që ajo të zgjedhë se në çfarë shkolle do të shkojë vitin që vjen. Ajo po vret mendjen se çfarë vlere kanë studimet. Në ditët e sotme është shumë e vështirë që të gjesh një punë! Ajo po kalon një kohë të vështirë duke pyetur veten për kuptimin e jetës. Nëse Pamela do t'i afrohej Perëndisë, çfarë mendoni, çfarë do të përjetonte ajo?
- Gjergji vazhdon t'i thotë bashkëshortes së tij, "Nuk do të pi më," por sapo del një problem, ai shkon përsëri në bar. Ai ndihet mirë, por vetëm për pak kohë. E gjitha kjo filloi tre vjet më parë kur ai u ndje shumë bosh dhe i mjerë. Tani alkooli është pjesë e jetës së tij por bashkëshortja e tij nuk është më pjesë e saj. Duket sikur nuk ka mënyrë për të fituar betejën. Nëse Gjergji do t'i afrohej Perëndisë, si mendoni çfarë do të përjetonte ai?
- Luiza mbushi nëntëdhjetë vjeçe disa ditë më parë. Familja e saj organizoi një festë për të. Por kur ata largohen, ajo lufton me të njëjtat probleme dhe pyetje. Shëndeti i saj nuk është i mirë. Ajo e di se nuk do të jetojë gjatë. Ajo vazhdon të mendojë për kohën kur ishte e re dhe kënaqej duke udhëtuar nëpër botë. Tani gjithçka ka mbaruar! Nëse Luiza do t'i afrohej Perëndisë, si mendoni çfarë do të përjetonte ajo?

Ne kemi parë disa bekime të mëdha që vijnë nga njohja e Perëndisë: Falja e mëkatit, Paqe që zgjat, Qëllim për jetën, Fuqi për të fituar, Privilegji i Qiellit. Ai i njeh ti këto bekime? Apo po i humbet bekimet e Perëndisë?

PERËNDIA I VËRTETË

Cfarë na pengon në që të njohim Perëndinë?
 Shpreh shprehjet në mendimet e duhur për të gjetur përgjigjet.
 i merrk pas _____ pas
 j'ohet tash _____ tash

Cilat janë bekimet kur njoh Perëndinë?
 Shpreh shprehjet në mendimet e duhur për të gjetur përgjigjet.
 shpirt për tënd _____ për _____
 qep që gjat _____ që _____
 shpirt për jetët _____ për _____
 shpirt për jetët _____ për _____
 shpirti i shpirt _____ për _____
 i _____ i _____

Tani gjejt dhe qendroni fjalët që na formuar.

F	I	T	U	A	R	R	O	P	I
U	M	E	K	A	T	I	N	J	D
Q	I	E	L	L	I	T	G	A	H
I	Z	G	J	A	T	E	A	N	U
I	C	Y	M	I	L	H	F	E	J
D	T	J	R	I	N	A	Y	T	T
R	K	A	V	F	L	C	Z	E	R
S	X	I	K	J	X	L	V	J	G
F	R	Z	E	E	B	S	E	F	A
P	X	K	Y	I	M	P	A	Q	E

Materiali 4

Metoda: Pyetësor
 Fotokopjoni materialin 4 për të gjithë adoleshentët. Ata mund ta plotësojnë gjatë programit ose më vonë në shtëpi. Do t'i ndihmojë ata që të përsërisin mësimin dhe të mësojnë përmendësh pikat kryesore. ●



PËRGJIGJET E MATERIALIT 4





Vendosini shkronjat e fjalëve në radhën e duhur: mëkati; idhuj; falje për mëkatin; paqe që zgjat; qëllim për jetën; fuqi për të fituar; privilegji i Qiellit.

The crossword puzzle grid contains the following words:

- Across: FITUAR, RROPI, UMEKATIN, QIELLIT, IZGJAT, ICMILHF, DTYRINAYTT, RKAUVFLCZER, SXIKJXLVJG, FRZEESSEFA, PKYIM, PAQE
- Down: MEKATI, IDHUI, FALJE, QËLLIM, FUQI, PRIVILEGJI

Ura e Shpëtimit

Synimet: Ne duam që adoleshentët:

-  të marrin para sysh se sa i thellë është kanioni që ndan mëkatarët nga Perëndia i shenjtë.
-  të kuptojnë që Perëndia në dashurinë e tij ka siguruar një urë që ne të mund të shkojmë tek Ai.
-  të lavdërojnë Perëndinë për shpëtimin e Tij dhe të përpiqen që të jetojnë për Të.
-  të kalojnë urën e shpëtimit nëpërmjet pendesës dhe besimit.

Hyrje: Urat

A ke dëgjuar ndonjëherë për ura të famshme që janë ndërtuar në pjesë të ndryshme të botës? (Adoleshentet të diskutojnë. Mund të tregoni fotot e urave që janë në skedën e PowerPoint-it në CD – p.sh. Ura Goldën Geit e San Franciskos, Ura e Kullës së Londrës, ura e Millau-t në Francë, ura Tsing Ma në Hong Kong, etj). Këto janë ndërtime të mahnitshme!

Ndërsa kemi filluar udhëtimin tonë drejtë



Perëndisë, ne pamë se kishte një kufi për të kaluar para se të kënaqemi me bekimet e shumta të Perëndisë. Sot do të shohim se rruga për tek Perëndia gjithashtu mund të krahasohet me një urë.

(Tregoni Vizualin 6 por mbajeni të mbuluar tekstin). Mbi një kanion të thellë, rruga varet me anë të kavove në shtylla të mëdha. E vetmja rrugë për tek Perëndia është të kalosh në urën e shpëtimit.

Metoda: Ushtrimi me shpatë

Kur doni të shikoni një varg biblike me adoleshentët në këtë studim, kërkoni atyre të “zhveshin shpatat e tyre” (të ngrenë lart Biblën). Jepni referencën biblike dhe ata ta përsëritin. Kur jepet urdhri, “Sulm!” ata të konkurrojnë për të gjetur vargun. Adoleshenti i parë që e gjen ngrihet në këmbë. Jepini kohë edhe të tjerëve që ta gjejnë dhe pastaj kërkoni fituesit ta lexoj vargun me zë të lartë.

Kanioni i vdekjes

Na krijoi një Perëndi i shenjtë

Ushtrimi me shpatë: Zanafilla 1:26. Kur Perëndia krijoi njeriun, në fillim ata jetonin në harmoni. Perëndia e bëri njeriun që ta adhuronte Atë, ta lavdëronte Atë, të kishte miqësi me Të dhe t’i shërbente Atij. A po i bën këto katër gjëra për të cilat Perëndia të bëri ty?

Ushtrimi me shpatë: Isaia 6:3. Ky Perëndi i madh që na bëri ne është i shenjtë. Kjo do të thotë që Ai është i pastër dhe i përsosur. Ai nuk mund të mëkatojë. A jemi ne të pastër ashtu siç dëshiron Perëndia?

Ne jemi mëkatarë nga natyra dhe veprimet

Ushtrimi me shpatë: Romakëve 5:12.

Mëkati erdhi në botë kur Adami dhe Eva mëkatuan. Kjo u quajt “rënia” dhe për shkak të rënies ne të gjithë kemi lindur mëkatarë ashtu siç e zbuluam në mësimin e kaluar. Nuk shpëtojmë dot nga ky fakt dhe prova e kësaj është se ne mëkatojmë çdo ditë. Ne thyejmë dhjetë urdhërimet në mendime, fjalë dhe veprime.

Ne jemi të ndarë prej Perëndisë për shkak të mëkatit tonë

Ushtrimi me shpatë: Romakëve 6:23. Ne jemi mëkatarë dhe një Perëndi i shenjtë nuk mund të ketë mëkat në praninë e Tij. Gjatë gjithë Dhjatës së Vjetër dhe të Re ndëshkimi për mëkatin është vdekja – ndarja prej Perëndisë përgjithmonë. Para se të jetë shumë vonë, ne duhet të besojmë në Zotin Jezus Krisht si Shpëtimtar. Nëse ne e refuzojmë Perëndinë gjatë jetës sonë dhe përfundojmë në vdekje të përjetshme (d.m.th. ndarje prej Tij) atëherë nuk ka një mundësi të dytë.

Ne nuk mund ta kënaqim Perëndinë

Ushtrimi me shpatë: Isaia 64:6. Ne nuk mund të bëjmë asgjë për të fituar faljen dhe pranimin e Perëndisë. E si mundemi ta bëjmë këtë nëse marrim para sysh dy faktet e para që pamë? Të gjitha përpjekjet tona janë si një rrobë e ndotur në sytë e Perëndisë. Kanioni është shumë i madh dhe ne nuk mund ta kalojmë dot.

Shtyllat e dashurisë së Perëndisë

Perëndia na do ne

Një teolog i mirënjohur udhëtoi nëpër botë duke folur me të rinj që po trajnoheshin për t'u bërë misionarë e pastorë. Ai e njihte shumë mirë Biblën e tij dhe pas një leksioni iu bë një pyetje, “Zotëri, cili është mendimi më i madh që ju ka kaluar nëpër mendje?” Audiencia ndoshta po priste një thënie shumë të thellë intelektuale. Profesori i moshuar ndaloi për një kohë të gjatë ndërsa po mendonte për këtë përgjigje. Pastaj ai tha me thjeshtësi të madhe, “Jezusi mua më do, kështu thotë Fjala e Tij.”

Ushtrimi me shpatë: Romakëve 5:8.

Demonstrimi më i lartë i dashurisë së Tij është vdekja e Jezus Krishtit. Është vërtetë e mahnitshme që Perëndia që kujdeset për ne,

Perëndia që është i shenjtë, të do ty dhe mua me gjithë shëmtinë e mëkatit tonë.

Jezusi, Biri i Perëndisë, erdhi tek ne

Ushtrimi me shpatë: Filipianëve 2:6-8.

Jezusi ka ekzistuar gjithmonë. Ai është Biri i përjetshëm i Perëndisë. Ai la Qiellin për të jetuar mes nesh. Lindja e Tij ishte e mrekullueshme. Ai u ngjiz nga Fryma e Shenjtë dhe lindi nga një virgjëreshë. Edhe pse u tundua, Ai jetoi një jetë të përsosur mes nesh.

Zoti Jezus mori ndëshkimin tonë

Ushtrimi me shpatë: 1 Pjetrit 3:18. Ai që është i drejtë vuajti për ne, të padrejtët, për të na sjellë tek Perëndia. Jeta e Tij e përsosur bëri të mundur që Ai të paguante dënimin e mëkatit tim duke vdekur në kryq në vendin tim. Ai u ringjall dhe ishte fitimtar mbi mëkatin dhe vdekjen dhe Satanin. Ai jeton përgjithmonë. Këtë ka bërë Perëndia Bir për ty dhe mua.

Të kalosh urën

Ne duhet të pendohemi

Ushtrimi me shpatë: Veprat e Apostujve. “Të pendohemi” do të thotë të pranohemi se jemi mëkatarë dhe se na vjen keq për atë mëkat. Por kjo nuk është e mjaftueshme. Do të thotë se duhet të kemi një ndryshim të qëndrimit tonë ndaj mëkatit tonë. Ne duhet ta urrejmë mëkatin tonë dhe të kthehemi prej tij tek Perëndia.

Ne duhet të besojmë në Krishtin për shpëtim

Ushtrimi me shpatë: Veprat e Apostujve 16:31.


Ne mund të kemi njohuri në mendjen tonë për Krishtin dhe të besojmë se faktet janë të vërteta, por kjo nuk është e mjaftueshme. Ne duhet të besojmë në Jezusin, të besojmë premtimet e Tij, ta lëmë veten tonë në mëshirën e Tij dhe të

mbështetemi me të vërtetë në atë që Ai ka bërë për shpëtimin tonë. A ke besuar në Zoti Jezus si Shpëtimtar?

NDARJA E MËSIMIT

Të përparosh në një territor të ri

Metoda: Targë e re



Fotokopjoni materialin 5 në letër të trashë dhe jepjani adoleshentëve. Gjithashtu kini shënues.

Shpjegoni që, tani që motoçikleta ka kaluar urën, duhet të marrë një targë të re. Jepuni atyre disa minuta për të menduar për atë që mund të shkruajnë në targë. Mund të jetë një tekst i shkurtër që i referohet bekimeve të shpëtimit ose një synimi në jetën e krishterë. Adoleshentët mund të jenë mjaft krijues duke kombinuar shkronja e numra bashkë. Pastaj tregojini një targë me shkrimin “Kënaqe Atë dhe ji si Ai” për të prezantuar pjesën e fundit të mësimit.

Ne duhet të jetojmë duke e kënaqur Atë

Ushtrimi me shpatë: Filipianëve 3:14.

Shpëtimi nuk është fundi por fillimi. Duhet të vazhdojmë me Perëndinë. Fryma e Shenjtë jeton në ata që besojnë në Zotin Jezus. Ne duhet të varemi tek Fryma e Shenjtë që të na japë fuqi për të cilën kemi nevojë çdo ditë për të jetuar jetë që e kënaqin Perëndinë. Ne gjithashtu kemi pjesën tonë për të bërë duke lexuar Biblën çdo ditë, duke u lutur, duke i treguar të tjerëve dhe duke u takuar për miqësi me besimtarë të tjerë.


Një ditë ne do të jemi si Ai

Ushtrimi me shpatë: 1 Gjonit 3:2. Ndërsa jetojmë duke u varur tek Fryma e Shenjtë ne

duhet të bëhemi më shumë si Krishti, por ne nuk do të jemi të përsosur derisa të shkojmë në Qiell. Mendo se sa e veçantë do të jetë kjo!

Kjo që sapo kemi studiuar na lë me shumë pyetje që duan përgjigje. A e kupton se një kanion i madh të largon ty nga Perëndia i shenjtë? A e kupton se sa shumë të do Perëndia dhe se çfarë ka bërë Ai për ty? A beson se e vetmja rrugë për tek Perëndia është nëpërmjet Jezus Krishtit? Nëse po a ke bërë ndonjë gjë për këtë, apo dëshiron ta shmangësh urën e shpëtimit dhe të qëndrosh larg Krijuesit tënd? Do të ishte çmenduri ta shmangie atë që Zoti Jezus Krisht ka bërë për ty. Pasoja e refuzimit të këtij mesazhi është që të ndëshkohesh me ndarje prej Perëndisë për të gjithë përjetësinë.

Metoda: Të kërkosh për të dhëna



Ndajini adoleshentët në grupe me tre persona. Ata do të mësojnë për personazhe të Biblës që kanë kaluar urën e shpëtimit. Fotokopjoni Vizualin 7 në kartonë dhe pritini të nëntë kartat. Vendosini ato rrotull mureve, por jo në radhën e duhur. Fotokopjoni materialin 6 dhe çdo adoleshent të ketë një fletë me të dhëna, një stilolaps dhe një Bibël. Secili grup të fillojë me intervale prej tridhjetë sekondash. Ata do të vrapojnë rreth e

rrotull për të lexuar kartat dhe për të plotësuar fletët e tyre sa më shpejt të jetë e mundur.

Pyetjet për Kërkimin për të Dhënat janë:

1. Romakëve 3:23 na tregon se çfarë kemi bërë të gjithë ne.





2. Çfarë ngriti Perëndia për ne sipas Lluka 1:69?
3. Gjeni tek Gjoni 14:6 se çfarë tha Jezusi për veten e Tij, kush ishte Ai. Shkruani vetëm të parën.
4. Shikoni Romakëve 3:25 dhe shikoni se çfarë tregoi Perëndia nëpërmjet vdekjes së Birit të Tij.
5. Ne mund të shpëtohem vetëm nëpërmjet një gjëje. Shikoni Veprat e Apostujve 4:12.
6. Kush mund të kalojë urën e shpëtimit? Zgjidhni një fjalë tek Veprat e Apostujve 10:43.
7. Nëse i kemi besuar Krishtit çfarë mund të vëmë tani? – Efesianëve 6:17.
8. Çfarë kemi me Perëndinë nëpërmjet Jezusit, sipas Romakëve 5:1?
9. Tek Veprat e Apostujve 8:38 gjeni se çfarë duhet të ndodhë pasi dikush beson në Krishtin. ●

PËRGJIGJET E MATERIALIT 6

Të Kërkosh për Të Dhëna: mëkatuam; një shpëtim; udha; drejtësinë; emër; kushdo; përkrenare; paqe; pagëzimi.

Shfajësimi

Synimet: Ne duam që adoleshentët:

-  të kuptojnë se çfarë është shfajësimi – vepra e Perëndisë për ta shpallur një mëkatar të drejtë para Tij.
-  të kuptojnë se kur jemi të shfajësuar, ne nuk jemi më nën dënim por kemi një pozitë të drejtë para Perëndisë.
-  të lavdërojnë Perëndinë për hirin e Tij të mahnitshëm.
-  të besojnë në Jezus Krishtin.


Hyrje: Sekuenca historie



Fotokopjoni materialin 7 për të gjithë adoleshentët. Para se t'ia jepni pritini shiritat e sekuencave të historisë. Jepuni adoleshentëve pesë minuta për të gjetur se për çfarë flet historia dhe që ta vendosin në

radhën e duhur. Mund të punojnë vetëm ose në grupe dyshe. Le të ndajnë historinë që kuptuan, pastaj tregojuni atyre historinë e Xhimit dhe Zakut.

Xhimi dhe Zaku



Xhimi ishte djali i një gjyqtari dhe Zaku ishte djali

i një baristi. Kur ata ishin të vegjël, ata ishin shokë të ngushtë (figurat 1-2). Ata e pëlqenin njëri tjetrin dhe luanin shumë me njëri tjetrin. Por ata ishin shumë të ndryshëm. Xhimi



studioi shumë dhe shkoi në universitet. Zaku ishte dembel. Ai preferonte t'ia kalonte mirë dhe filloi të përdorte duhanin dhe të pinte alkool (3-4).



Koha kaloi dhe ata i humbën kontaktet (5). Xhimi u bë mjek dhe e përkushtoi jetën e tij për të ndihmuar të tjerët (6). Zaku nuk u përpoq që të gjente punë dhe filloi të vidhte.




Në fillim vodhi gjëra të vogla por gradualisht u përkeqësua.



Një ditë Ai hyri në një shtëpi (7-8). Por disa njerëz e panë dhe policia e kapi (9).

Zaku u çua në gjyq (10). A e dini se kush ishte gjyqtari atë ditë? Babai i Xhimit! Dhe vetë Xhimi ishte në sallë




sepse atij i pëlqente të

shihte babain e tij në gjyq. Të dy Xhimi dhe babai i tij e njohën Zakun edhe pse ai kishte ndryshuar shumë. Por çfarë mund të bënin ata për Zakun? Ata dëgjuan dëshmitarët dhe panë provat e sjella nga policia. Ishte e dukshme që Zaku ishte fajtor. A mund ta lironte Zakun babai i Xhimit? Jo, kjo do të ishte e padrejtë!


Audienca po priste me padurim për dënimin dhe nuk po e kuptonin se çfarë po ndodhte. Xhimi dhe babai i tij panë njëri tjetrin dhe bënë shenjë me kokë, sepse të dy kishin të njëjtën ide.

Gjykatësi i tha Zaku, “Unë të shpall ty fajtor,” dhe dha urdhër që ai të paguante një shumë të madhe parash.




Atëherë Xhimi u ngrit në këmbë dhe tha se ai do të paguante

dënimin për shokun e tij (11). Në sallë filloi një mërmëritje sepse ishte një gjobë shumë e madhe.



Xhimi doli përpara, nxori portofolin e tij dhe ia dorëzoi shumën gjyqit (12-

13). Babai i tij ishte shumë krenar për të. Zaku nuk do të kishte qenë në gjendje t’i paguante të gjitha. Ishte e vetmja rrugë për ta shpëtuar atë. Gjykatësi shpalli që Zaku nuk ishte më nën



dënim dhe ishte i lirë që të shkonte sepse dikush kishte paguar dënimin e tij (14).

Metoda: Përfundo sekuencat e historisë

Jepuni adoleshentëve një fletë bosh dhe ngjitës. Tani ata do t’i ngjisin sekuencat në radhën e duhur. Pastaj kërkojini atyre të shtojnë dy flluska fjalësh në sekuencat e historisë dhe t’i plotësojnë ato. E para është kur Xhimi thotë se dëshiron të paguaj në vend të Zaku. E dyta është kur gjykatësi e shpall se Zaku nuk është më nën dënim.

Çfarë është shfajësimi?

Çfarë është SHFAJËSIMI?
Shfajësimi është vepra e Perëndisë që e shpall një mëkatar të drejtë para Tij.

Çfarë ndodh kur jemi të shfajësuar?

- 1 Perëndia na fal ne:** Hebrenjve 9:22
Ne nuk jemi më nën dënim: Romakëve 8:1
- 2 Drejtësia e Krishtit na numërohet:**
Romakëve 4:6
Kemi një qendër të drejtë para Perëndisë - Romakëve 5:1-2

Mundohet shfajësimi?
Perëndia: Romakëve 8:33
E hirët: Efesianëve 2:8-9
Të drejtësisë së Krishtit: Romakëve 3:21
Dënim shpëtues: Romakëve 4:5

Vizuali 8

(Trego Vizualin 8 në mënyrë progresive ndërsa përparoni me mësimin). Kjo histori mund të na ndihmojë që të kuptojmë se çfarë bën Perëndia për ata që besojnë në Të. Ai bën diçka shumë më

të madhe se ajo që bëri Xhimi dhe babai i tij për Zaku. Bibla e quan këtë “shfajësim”.

Kujto Zaku që ishte fajtor. Edhe ne jemi fajtor dhe jo vetëm për vjedhje. Ne kemi bërë kaq shumë gjëra kundër Perëndisë dhe meritojmë ndëshkimin. Dënimi duhet të jetë vdekje shpirtërore, që do të thotë ndarje prej Perëndisë përgjithmonë.

Por Xhimi ishte i gatshëm të paguante për shokun e tij. Në një mënyrë të ngjashme, Zoti Jezus ishte i gatshëm të paguante për ne. Në kryq, Ai mori ndëshkimin për mëkatet tona. Si rezultat i kësaj Perëndia Atë mund të na shpallë të drejtë në sytë e Tij. Shfajësimi është vepra e Perëndisë që e shpall një mëkatar të drejtë para Tij.

Ndoshta ti e ke dëgjuar Ungjillin dhe të duket se duhet të bësh diçka për atë që Krishti ka bërë. Ai është Perëndia që po të flet. Mos e shmang atë që Zoti Jezus ka bërë për ty. Beso tek Ai që të shfajësohesh!

Çfarë ndodh kur jemi të shfajësuar?

Perëndia na fal ne: Hebrenjve 9:22

Mëkatet tona të kaluara, të tanishme dhe të ardhshme janë të falura. Kjo nuk na jep ne një pretekst për të jetuar si të na pëlqejë. Ende do të mëkatojmë dhe si rezultat do të ndihemi fajtorë. Nëse e rrëfejmë mëkatin tonë Perëndia do të na falë dhe do të përtërijë marrëdhënien tonë me Vetën e Tij (1 Gjonit 1:9). Është një mrekulli që të na falen mëkatet.

Rezultati: ne nuk jemi më nën dënim: Romakëve 8:1

Gjykimi i Perëndisë nuk do të bjerë mbi ne. Ne nuk jemi të ndëshkuar sepse Krishti e mori ndëshkimin për mëkatin mbi kryq. Sidoqoftë është e rëndësishme të theksojmë që Perëndia nuk e anashkalon mëkatin tonë por merret me të.

Drejtësia e Krishtit na numërohet: Romakëve 4:6

Llogaria jonë e mëkatit është shlyer në të vetmen mënyrë të mundshme – nëpërmjet veprës së Krishtit. Është paguar plotësisht, sepse drejtësia e Krishtit është vendosur në llogarinë tonë të mëkatit. Krishti pagoi një borxh të cilin ne nuk mund ta paguanim.

Rezultati: Kemi një qëndrim të drejtë para Perëndisë: Romakëve 5:1-2

Ne nuk qëndrojmë të dënuar, por qëndrojmë në drejtësinë e Krishtit. Kjo është e rëndësishme! Nuk është drejtësia jonë sepse ne nuk kemi drejtësi. Ne nuk jemi bërë të përsosur por jemi shpallur të drejtë para syve të Perëndisë për shkak të Zotit Jezus Krisht.

Kur babai i Xhimit e liroi Zakun, ai ishte i lirë nga ndëshkimi por kjo nuk e bëri Zakun të përsosur. Lirimi është një shpallje ligjore e bërë nga dikush. E njëjta ide mund të zbatohet për shfajësimin. Është një shpallje ligjore për qëndrimin tonë para Perëndisë, por kjo nuk na ndryshon nga brenda. Perëndia është Gjykatësi ynë dhe na shpall ne të drejtë nëpërmjet Krishtit por kjo nuk na bën ne të përsosur. Ky është fillimi i njohjes së Perëndisë dhe rritjes duke u bërë si Ai ditë pas dite.

NDARJA E MËSIMIT

Metoda: Luajtje roli

Nëse do ta ndani këtë mësim në dy pjesë, mund të luani rolet e Xhimit dhe Zakut me adoleshentët si një hyrje për pjesën e dytë. Do të keni nevojë për disa aktorë – Xhimi, Zaku, disa policë, një gjykatës dhe një audiencë. Ju mund të jeni treguesi i historisë. Kjo do t'ju ndihmonte adoleshentët të kujtojnë këtë histori dhe do t'ju jepte mundësinë për të përforcuar atë që u mësuara në pjesën e parë të mësimin.

Si u bë i mundur shfajësimi?

Nga Perëndia Romakëve 8:33

Është puna e Tij nuk është diçka që e bëjmë ne. Perëndia na shpall ne të drejtën në sytë e Tij dhe nëpërmjet veprës së Frymës së Tij të Shenjtë, na shpall se jemi të Tijtë. Kjo garanton shpëtimin tonë. Nëse i ke besuar vërtetë Krishtit ti mund të jesh tërësisht i sigurt se je në marrëdhënie të drejtë me Perëndinë. Mos e lejo Satanin të të bëjë që të dyshosh për atë që Perëndia ka bërë.

Me anë të hirit: Efesianëve 2:8-9

Hiri është diçka që ne nuk e meritojmë. Mendo për njerëzit në Dhjatën e Vjetër që mëkatuan kundër Perëndisë, p.sh. Jakobi, Abraham, Moisiu dhe Davidi. Pse i fali Perëndia ata? Ata nuk e meritonin. Perëndia është i shenjtë dhe i drejtë, e megjithatë për shekuj me radhë Ai ka refuzuar të dënojë njeriun dhe në vend të kësaj faktikisht ka shfajësuar burra e gra, si ata më sipër, kur ata besonin në Të. Perëndia shfajëson njerëzit edhe pse ata nuk e meritojnë që të jenë të drejtë para Perëndisë.

Nëpërmjet drejtësisë së Krishtit: Filipianëve 3:9

Ligji i Perëndisë kërkon ndëshkimin tonë dhe është e pamundur për ne që të arrijmë standardet e tij të larta. Ligji është si një pasqyrë. Një pasqyrë tregon se ku jemi bërë pis dhe ku kemi nevojë të lahemi, por ajo nuk na lan. Kështu edhe ligji na tregon se ku kemi gabuar dhe kemi nevojë të pastrohemi, por ai nuk na pastron. Por Krishti i përmbushi të gjitha kërkesat e ligjit. Ai ishte i përsosur dhe, për shkak të kësaj, mund të paguante çmimin për mëkatin tonë duke vdekur në vendin tonë dhe dha kështu pastrimin ose faljen (2 Korintasve 5:21).

Me besim shpëtues: Romakëve 4:5


Disa njerëz mendojnë se mund të fitojnë

pranimin e Perëndisë duke mbajtur ligjet e Perëndisë. Siç e kemi zbuluar tashmë është e pamundur që ta mbajmë ligjin vetë. Është vetëm nëpërmjet besimit në Krishtin. Shfajësimi ndodh në një moment kur ne vijmë tek Krishti nëpërmjet besimit. Kështu pra, nga të qenit i humbur personi i shfajësuar është në një qëndrim të drejtë para një Perëndie të Shenjtë.

Po pastaj?

Merrni para sysh Jakobi 2:17. Duhet të kemi një jetë me bindje ndaj Perëndisë. Nëse jo atëherë ky është një gabim serioz. Nuk jemi të shfajësuar nga veprat e mira, por veprat e mira duhet të jenë rezultati i të qenit vërtetë të shfajësuar. (Mund ta shpjegoni këtë pjesë nëse keni të krishterë të rinj në grup).

Metoda: E vërtetë ose e rreme



Fotokopjoni materialin 8 për të gjithë adoleshentët. Lexojeni të gjithë tekstin me zë të lartë dhe kërkojini adoleshentëve që të shënojnë ose “V” ose “RR” pas çdo thënieje. Kur të mbaroni së lexuari, adoleshentët





duhet të ndalojnë së shkruari – ata nuk mund t’i ndryshojnë përgjigjet e tyre. Pastaj diskutoni çdo thënie me grupin dhe jepni përgjigjen e saktë. Shfrytëzojeni këtë mundësi për të përforcuar mësimin. Sigurohuni që ata ta kenë kapur mirë doktrinën e shfajësimit. Pastaj adoleshentët mund të numërojnë gabimet e tyre ju mund t’i jepni një çmim fituesit (fituesve). ●

PËRGJIGJET E MATERIALIT 8

- | | | | |
|--|-----------|--|-----------|
| 1. Mëkati ynë na ndan prej Perëndisë. | V | Perëndisë. | V |
| 2. Isaia 6:23 na tregon për pagën e mëkatit. | Rr | 12. Nëse shfajësohemi hiqet vetëm dënimi për mëkatet e kaluar. | Rr |
| (Isaia 6:23 nuk ekziston. Është Romakëve 6:23 që e përmend specifikisht “pagën e mëkatit”). | | (Për të tashmet dhe të ardhmet gjithashtu). | |
| 3. Veprat tona të mira nuk na japin meritë para Perëndisë. | V | 13. Nëse shfajësohemi nuk duhet të kemi më lidhje të veçantë me ligjin e Perëndisë. | Rr |
| (Ato janë si një rrobë e ndotur - Isaia - Isaia 64:6). | | (Ligji i Perëndisë është ende për ne sot). | |
| 4. Pendesa do të thotë vetëm të pranosh se je mëkatar. | Rr | 14. Shfajësimi ndodh në zemrat tona. | Rr |
| (Gjithashtu keqardhje për mëkatin, urrejtje ndaj mëkatit dhe ndryshim të qëndrimit - d.m.th. kthim prej tij). | | (Një shpallje ligjore për qëndrimin tonë para Perëndisë). | |
| 5. Fjala e parë tek Veprat e Apostujve 3:19 është “Pendohuni”. | V | 15. Shfajësimi është si një vepër ligjore. | V |
| 6. Ne duhet të besojmë vetëm tek Krishti për shpëtim. | V | 16. Shfajësimi është puna jonë për Perëndinë. | Rr |
| (Ta lëmë veten tonë tek Perëndia dhe të varem në atë që Krishti ka bërë). | | (Jo! Është puna e Perëndisë). | |
| 7. Besim është vetëm njohuri në mendje për Perëndinë. | Rr | 17. Hiri është diçka që ne nuk e meritojmë. | V |
| (Ta lëmë veten tonë tek Perëndia dhe të varem në atë që Krishti ka bërë). | | 18. Nëse jemi të shfajësuar, drejtësia e Krishtit është vënë në llogarinë tonë të mëkatit. | |
| 8. Fryma e Shenjtë është forca e të krishterit. | V | 19. Nëse jemi shfajësuar, drejtësia e Krishtit vendoset brenda nesh. | |
| 9. Nëse shfajësohemi ne mund të shkojmë në Qiell një ditë. | Rr | 20. Veprat e mira janë prova të shfajësimit tonë. | |
| 10. Nëse shfajësohemi ne nuk mëkatojmë | Rr | | |
| 11. Nëse shfajësohem ne kemi një qëndrim të drejtë para | | | |

Koha e Qetë

Synimet: Ne duam që adoleshentët:

-  të mendojnë se kur, ku dhe si ta kenë kohën e qetë.
-  të kuptojnë se është jetësore që të kalojnë rregullisht kohë vetëm me Perëndinë.
-  të lexojnë Fjalën e Perëndisë dhe të lutën çdo ditë.
-  të kthehen tek Perëndia me pendesë dhe besim dhe të fillojnë ta njohin Atë.

Hyrje: Nuk ka karburant!

A ju ka ndodhur ndonjëherë që juve ose shokëve tuaj, ose familjes t’i ketë mbaruar karburanti? Ndoshta shoferi ka menduar, “Mendoj se mund të vazhdojmë deri në pikën tjetër të karburantit.” Pastaj, disa kilometra më tej, ai ose ajo duhet të hapin krahun në anë të rrugës. Shtyrja e furnizimit nuk ishte ide e mirë! (Tregoni vizualin 9 por mbulojeni



tekstin; zbulojeni ndërsa përparoni me mësimin).

Në mësimet e kaluara e

kemi krahasuar jetën me një udhëtim në një motoçikletë. Kaluam kufirin dhe urën e shpëtimit. Mësimi ynë i fundit ishte për shfajësimin. A mund të kujtosh disa nga gjërat që ndodhin kur një person i beson Krishtit? (Inkurajojini adoleshentët të përgjigjen dhe bëni një përmbledhje të shkurtër). Por ne e përfunduam mësimin me pyetjen, “Po pastaj?” Siç e shihni shfajësimi është vetëm fillimi i një jete me bindje ndaj Perëndisë. Duhet të kuptojmë se nuk do të shkojmë larg në udhëtimin e jetës sonë nëse

nuk e “mbushim serbatorin” tonë rregullisht. Nëse duam të jetojmë një jetë që i pëlqen Perëndisë, kemi nevojë ta njohim Atë më mirë. Kjo ka të bëjë me të kaluarit kohë vetëm me Të – që është ajo që e quajmë “koha e qetë”. Çdo i krishterë duhet të ketë një kohë të qetë çdo ditë.

Metoda: Mendoni

Në krye të një tabele të madhe shkruani “Të kesh një kohë të qetë”. Pastaj ndajeni pjesën tjetër të tabelës në dy pjesë – “Rëndësia” dhe “Vështirësitë”. Kërkojini vajzave të mendojnë për rëndësinë e të pasurit të një kohe të qetë. Ato do t’ju japin çfarëdo fjale dhe shprehjeje që u vjen në mendjet e tyre. Shkruajini ato në tabelë. Pastaj kërkojini djemve të mendojnë për vështirësitë që kemi kur përpiqemi të kalojmë kohë çdo ditë me Perëndinë. Përsëri ata do të thonë fjalë ose shprehje. Në fillim mos bëni vlerësim të ideve, vetëm shkruajini ato. Kur të mbarojë kjo kohë mendimi, diskutoni për ato që janë thënë. Këtu është një shembull që tregon se çfarë mund të thotë grupi.

Të kesh një kohë të qetë.

Rëndësia	Vështirësitë
Mbush serbatorin	Lodhja
Njeh Perëndinë	Televizori
Të menduarit	Mungesa e motivimit
Varësi tek Perëndia	E vështirë për ta kuptuar
E fillon ditën mirë	Mungesë disipline
Lutesh	Mungesa e kohës
Lexon Biblën	Shokët
Lidhesh	Interneti
Miqësi me Perëndinë	Prioritetet e gabuara
Frymëmarrje	Uljet e ngritjet

Kur duhet ta kem kohën time e qetë?

Ki kohën tënde të qetë në një kohë që të përshtatet ty. Shumë njerëz zgjedhin mëngjesin dhe kjo është mirë sepse do të thotë që mund të kalosh kohë me Perëndinë para se të fillojnë aktivitetet e ditës. Për njerëz të tjerë, mbrëmja ose edhe koha e drekës janë më të përshtatshme. Nuk është një ide e mirë që ta kesh kohën tënde të qetë natën vonë, sepse lodhja mund të bëjë që të mos jesh mirë. Sidoqoftë, e rëndësishme është që të ndash një kohë veç, gjatë ditës, për të qenë vetëm me Perëndinë.

Ku duhet ta kem kohën time të qetë?

Diku ku mund të jesh vetëm dhe larg gjërave që të tërheqin vëmendjen. Është e vështirë që të përqendrohesh në një dhomë ku televizori është i ndezur, ose ku vëllezërit dhe motrat të ndërpresin vazhdimisht! Do të ishte ideale nëse ke dhomën tënde. Nëse jo gjej një vend ku mund të jesh i qetë dhe ku nuk do të të shqetësojnë.

Çfarë duhet të bëj në kohën time të qetë?

(Zbulojeni Vizualin 10 në mënyrë progresive).



Janë dy pjesë kryesore në një kohë të qetë – leximi i Fjalës së Perëndisë dhe të flasësh me Të në lutje. Është një komunikim në dy drejtime. Perëndia më flet nëpërmjet Fjalës së Tij

dhe unë i flas Atij në lutje. Le të mendojmë për çdo pjesë në mënyrë të veçantë.

Lexo Fjalën e Perëndisë

Leximi i Biblës luan një rol jetësor në njohjen e Perëndisë më mirë. Bibla është Fjala e vetë Perëndisë dhe Ai flet nëpërmjet saj. Bibla na tregon se si është Perëndia dhe na tregon se

si dëshiron Ai që ne të jetojmë. Këtu ka disa të dhëna praktike për leximin e Biblës në kohën tënde të qetë.

- Para se të fillosh, lutu dhe kërkoji Perëndisë që të të flasë ndërsa lexon (Psalmi 119:18).
- Mos u mundo të lexosh shumë. Të lexosh vetëm disa vargje dhe të mendosh për to është më mirë sesa të lexosh disa kapituj pa u përqendruar mirë.
- Mendo me kujdes për atë që ke lexuar. Çfarë po të thotë Perëndia? A po të mëson diçka për veten e Tij apo po të tregon diçka lidhur me mënyrën se si duhet të jetosh si i krishterë? Ndoshta Ai po të tregon disa mëkate prej të cilave duhet të kthehesh. Shënimet e leximeve biblike mund të të ndihmojnë të kuptosh pasazhin. Një librari e krishterë ka një përzgjedhje librash për ty nga ku mund të zgjedhësh. Megjithatë, sigurohu që të përqendrohesh në Bibël, jo në shënimet e tua. Mbaj mend që ajo që është e rëndësishme është se çfarë po të thotë Fjala e Perëndisë.
- Kur Perëndia të flet nëpërmjet Fjalës së Tij, bindu ndaj asaj që Ai thotë. Është jetësore që të vësh në praktikë mësimet që gjen në pasazh. Perëndia do të të ndihmojë që ta bësh këtë. Ai do të përdorë Fjalën e Tij që të të formojë sipas shëmbëllimit të Krishtit.

NDARJA E MËSIMIT

Fliti Perëndisë në lutje

Të njohësh Perëndinë përfshin t'i flasësh Atij në lutje si dhe të dëgjosh atë që Ai ka për të të thënë nëpërmjet Fjalës së Tij, kështu që pjesën tjetër të kohës tënde të qetë kaloje në lutje. Mos harro gjithashtu se lutja është diçka më tepër se vetëm t'i kërkojë Perëndisë atë që dëshiron. Këto janë katër gjërat të cilat duhet të formojnë një pjesë të kohës tënde të lutjes.

Adhurim

Fillo duke e lavdëruar Perëndinë. Ai është një Perëndi i mrekullueshëm – ka kaq shumë gjëra për ta lavdëruar Atë! Ndoshta mund të kujtosh kërkimin që bëmë mbi karakteristikat e Perëndisë (mësimi 1) dhe ta lavdërosh Atë për shenjtërinë e Tij, dashurinë e Tij, mëshirën e Tij, etj.

Rrëfimi

Rrëfeja mëkatet e tua Perëndisë. Ji specifik. Tregoji Atij gabimet që ke bërë, menduar ose thënë dhe kërkoi falje Atij. Perëndia premton se do t'i falë të krishterët kur ata rrëfohen (1 Gjoni 1:9).

Falenderim

Falenderoje Perëndisë për të gjithë mirësinë e Tij ndaj teje që siguron ushqim, veshje, familje, shtëpi etj. Falenderoje Atë që i përgjigjet lutjeve. Dhe kurrë mos harro ta falenderosh Atë mbi të gjitha që të ka dhënë ty shpëtim nëpërmjet Zotit Jezus Krisht.


Kërkesë

Tregoji Perëndisë për nevojat dhe shqetësimet e tua. Lutu për familjen, shokët dhe ata që nuk janë ende të shpëtuar. Kujtohu të lutesh për ata që po i shërbejnë Perëndisë si misionarë në vendin tënd si dhe jashtë tij. Një ide e mirë është mbajtja e një “ditari të vogël lutjeje” në të cilin mund të shënosh çdo ditë gjërat për të cilat do të lutesh.

Nëse dëshiron të rritesh si i krishterë, një kohë e qetë e rregullt me Perëndinë është thelbësore. Ashtu sikurse njeh shokët e tu duke folur me ta dhe duke i dëgjuar ata, po kështu ke nevojë të flasësh dhe ta dëgjosh Perëndinë nëse dëshiron ta njohësh Atë. Gjithashtu mbaj mend se është e rëndësishme për të krishterët që të takohen bashkë për të studiuar Fjalën e Perëndisë dhe për të folur për Të në lutje, prandaj të shkuarit

në kishë është gjithashtu thelbësore për të krishterin e ri. Miqësia me të tjerë që e duan Zotin të ndihmon të rritesh i fortë, por nëse e do Zotin vërtetë nuk do të kesh dëshirë ta lësh kohën tënde të qetë me Të. “Mbushe serbatorin tënd” ose në të kundërt nuk ke për të shkuar larg!

Metoda: Një muaj lexim dhe lutje



Nëse disa nga adoleshentët në grupin tuaj nuk kanë një kohë të qetë të përditshme kjo është diçka që mund t'i ndihmojë ata që të fillojnë. Fotokopjoni materialin 9 mbi letër me ngjyrë për të gjithë


adoleshentët dhe priteni shiritin “lexo dhe lutu”.

Leximi i Biblës: Adoleshentët do të lexojnë disa vargje nga Marku çdo ditë, duke ndjekur katër hapat e sugjeruara në mësim dhe do të shënojnë kutinë afër referencës në fletën e projektit të tyre.

Lutje: Adoleshentët mund të mendojnë për njerëz të ndryshëm për të cilët do të luten gjatë javës (familja, shokët, mësuesit, etj.) dhe të shkruajnë emrat e tyre poshtë në kutitë në fletën e projektit. Ata do të luten çdo ditë për emrat e shkruar për atë ditë. Por gjithashtu ata do të përpiqen të adhurojnë, rrëfohen dhe të falenderojnë Perëndinë ashtu si thamë në mësim.

Pas një muaji, adoleshentët që e kanë bërë këtë mund t'ju kthejnë fletën e projektit me pjesën e poshtme të plotësuar. Mund t'u jepni atyre një shpërblim.

Metoda: Materiali



Fotokopjoni materialin 10 për të gjithë adoleshentët. Ata mund ta plotësojnë gjatë programit ose më vonë në shtëpi. Kjo do t' i ndihmojë ata që të përsërisin mësimin dhe të mësojnë përmendësh pikat kryesore ●







PËRGJIGJET E MATERIALIT 10

Leximi i Biblës: 1. lutemi 2. lexosh shumë 3. mendo me kujdes, shënimet e leximit biblik 4. bësh, bindesh
Lutja: 1. adhurim 2. rrëfim, rrëfen, falë 3. falenderim 4. kërkesat

Fryti i Frymës

Synimet: Ne duam që adoleshentët:

-  të kuptojnë se ata duhet të bëhen gjithnjë e më shumë si Zoti Jezus.
-  të kuptojnë që fryma e Shenjtë po punon në jetët e tyre duke zhvilluar “frytin e Frymës”.
-  të varen tek Ai dhe të kërkojnë të japin këtë fryt në jetët e tyre të përditshme.
-  të pendohen dhe të lejojnë Perëndinë që t’i transformoj.

Hyrje: Çfarë fryti?



(Tregoni Vizualin 11 duke mbuluar tekstin). Një pyetje. Çfarë lloj fryti pret nga një pemë molle?

Sigurisht, mollë! Dhe nga një pemë dardhe? Dardha! Fryti na tregon se kujt peme i përket. Por çfarë lloj fryti do të prisje ti nga një besimtar? (Adoleshentët të bëjnë disa sugjerime). Duhet të ketë prova të fryteve në jetën tonë të cilat tregojnë se i përkasim Zotit Jezus.

Në mësimin tonë të fundin ne thamë se sa thelbësore është të kesh një kohë të qetë të përditshme. Ashtu si një motoçikletë ka nevojë të mbushet rregullisht në pikën e karburantit, edhe ne kemi nevojë të afrohem tek Perëndia çdo ditë. A i mban mend katër gjërat që duhet të bëjmë kur lutemi? Sot, do të shohim se si ndërsa qëndrojmë afër Perëndisë, Ai na jep formën e personit që Ai dëshiron të jemi. Ai dëshiron që ne të japim fryt që tregon se i përkasim Perëndisë.

Gjithnjë e më shumë si Ai

Perëndia nuk na ka lënë me pyetjen se si duhet të jemi dhe se si duhet të jetojmë. Bibla

na e thotë në mënyra të ndryshme se cili duhet të jetë synimi ynë.

Karakteristikat e Perëndisë

Kemi parë tashmë karakterin e Perëndisë. Synimi ynë duhet të jetë që të bëhemi si Ai. Sigurisht që ne nuk mund të jemi të gjithëpushtetshëm, të gjithëdijshëm, etj., por ne duhet të pasqyrojmë karakteristikat morale të Perëndisë – të bëhemi të shenjtë siç Ai është i shenjtë, të duam të tjerët siç i do Ai ata, etj. Ne nuk do të arrijmë përsosmërinë në kohën që jemi në tokë por ne duhet të përpiqemi të bëhemi gjithnjë e më shumë si Perëndia.

Shembulli i Zotit Jezus

Jezusi ka të gjitha karakteristikat që sapo i përmendëm sepse Ai është Perëndi. Kur Ai jetoi mes njerëzve Ai na dha një shembull të përsosur që mund ta ndjekim. Mbaj mend dhembshurinë e Tij, mirësinë e Tij, durimin e Tij, etj. Ti duhet të shqyrtosh jetën e Jezusit tek ungjijtë dhe t’i kërkosht Atij të të ndihmojë që të ecësh në gjurmët e Tij sa më shumë të jetë e mundur.

Fryti i Frymës

Fryma e Shenjtë jeton tek ata që besojnë dhe punon në jetët e tyre. Ai mund të prodhojë tek ty “frytin e Frymës”. Ndërsa do të shohim karakteristikat e tij, do të kuptojmë se ai është përshkrimi i karakterit të Jezusit.

Galatasve 5:22-23

Tek Galatasve 5:22-23 ka një përshkrim shumë të mirë të frytit të Frymës 5:22-23, prandaj ne do të shqyrtojmë atë pjesë të Shkrimit. Mbaj mend se ndërsa shqyrtojmë këto fjalë të ndryshme, ne nuk mund të jemi një shembull i përkryer i këtyre. Sidoqoftë,


ky nuk duhet të jetë një justifikim për të mos u përpjekur që të bëhemi si Jezusi. Ne duhet të përpiqemi që t'i pëlqejmë Atij. Mbaj men Filipianëve 3:14? Ne duhet të rendim drejt synimit që Perëndia na ka vënë përpara. Ne gjithashtu duhet të varem tek Perëndia, duke e ditur se është Fryma e Tij, i Cili mund ta bëjë këtë të mundur në jetët tona. (Mund ta përshtatni listën e karakteristikave sipas versionit të Biblës që po përdorni).

Metoda: Punë dore



Fotokopjoni materialin 11 në letër të trashë me ngjyrë dhe jepini nga një çdo adoleshenti. Ata duhet të presin dhe të palosin çdo pjesë dhe pastaj t'i ngjisin ato së bashku në mënyrë që të formohet një fryt.

Inkurajojini ata që ta mbajnë këtë në xhepin e tyre në ditët e ardhshme dhe të mësojnë përmendësh të nëntë karakteristikat e frytit të Frymës.



Dashuria

(Zbulojeni në mënyrë progresive Vizualin 11 gjatë mësimit). Në ditët e sotme kujt i referohet fjala “dashuri”? Ne e përdorim atë për të folur për ndjenjat që kemi për dikë. Por Bibla na mëson që dashuria është më shumë se ndjenja. Ajo përfshin veprim! Gjoni 15:12 na urdhëron që të duam njëri tjetrin ashtu si Zoti Jezus na deshi ne. Jezusi nuk dërgoi vetëm “letra dashurie” për

ne nga Qielli. Ai erdhi që të na shpëtonte me një çmim të madh. Ti dhe unë duhet të mësojmë gjithashtu të duam me vepra ata me të cilët ne jetojmë. Për shembull, ne duhet të duam ata që nuk e njohin ende Jezusin si Shpëtimtarin e tyre. Ne mund ta bëjmë këtë duke ndarë Ungjillin me ta. Dashuria është karakteristika e parë e frytit të Frymës. Kërkoji Perëndisë të të japë shumë dashuri për të tjerët. (Kërkojini adoleshentëve të shkruajnë në frytin që kanë bërë nën fjalën “dashuri”: “Jo vetëm ndjenja por veprim!”).

Gëzimi

Si mendon si mund të jemi ne të gëzuar? Disa adoleshentë mendojnë se blerja e një telefoni të ri ose veshjeve të reja ose e një videogjeimi të ri, do t'i bëjë ata të gëzuar. Por një gëzim i tillë nuk zgjat shumë. Vetëm Perëndia mund të të japë një gëzim të thellë dhe që zgjat. Tek Gjoni 15:11 Jezusi na tha se Ai dëshironte që gëzimi ynë të jetë i plotë. Mënyra se si mund ta kesh këtë gëzim është të mbash urdhërimet e Tij dhe të mbështetesh në dashurinë e Tij. Nëse nuk i bindesh Perëndisë do të humbasësh gëzimin tënd. Bindu Atij dhe qëndro pranë Tij për të përjetuar gëzim të plotë. Është kontradiktore që të jesh i krishterë pa gëzim, kështu pra le ta kemi dhe ta tregojmë gëzimin e Zotit. Të tjerët do të shohin se krishterimi funksionin vërtetë dhe do të tërhiqen për tek Jezusi. Fryma e Shenjtë ju mbushhtë me gëzim. (Kërkoji adoleshentëve që të shkruajnë në frytin që ata kanë bërë: “Gëzimi vjen nga bindja!”).

Paqe

Ku kërkojnë njerëzit për paqe në ditët e sotme? Disa dëgjojnë muzikë gjithë ditën. Të tjerët pinë alkool dhe marrin drogë për të harruar problemet e tyre. Ata po kërkojnë në vendin e gabuar për paqe. Jezusi u jep ndjekësve të Tij paqe (Gjoni 14:27). Ne tashmë kemi zbuluar se kjo është një nga bekimet e jetës së krishterë. Por a është

vërtetë e dukshme në jetën tënde? Apo shqetësohesh për gjithçka? Ti e ke përgjigjen, prandaj tregojë atë. *(Kërkoji adoleshentëve që të shkruajnë mbi frytin që ata kanë bërë “Mos u shqetëso – Perëndia kujdeset për mua!”).*

NDARJA E MËSIMIT

Durimi

A mund të mendosh për situata në të cilat jemi të paduruar? Kur dikush bën një gabim në mënyrë të përsëritur, kur diçka vonohet, etj. Ne jemi natyrshëm pa durim. Nuk duam të presim për asgjë, por Perëndia na thotë që të jemi të duruar me të tjerët. (1 Thesalonikasve 5:14). Perëndia është i durueshëm me ne ndërsa ne rritemi ngadalë duke u bërë si Ai. Prandaj ne duhet të jemi të durueshëm me të tjerët. Kur jemi të durueshëm, kjo është një dëshmi e mirë e punës së Jezusit në jetët tona. Përsëri nuk është një cilësi të cilën ne mund ta zhvillojmë me forcën tonë por Fryma e Shenjtë mund të na ndihmojë. Ne duhet të luajmë rolin tonë duke u varur tek Ai dhe duke e lënë Atë të na transformojë. *(Kërkojini adoleshentëve që të shkruajnë në frytin që kanë bërë: “Perëndia është kaq i durueshëm me mua!”).*

Mirëdashja (Butësia)

Është e lehtë të kesh mirëdashje ose butësi me shokët e ngushtë. Me kë nuk kemi butësi ose mirëdashje? Me njerëz që janë të ndryshëm nga ne, me një vëlla ose motër më të vogël, etj. Një nga gjërat që duhet të zotërojmë ne si shërbëtorë të Perëndisë është mirëdashja ose butësia (2 Timoteut 2:24). Ndërsa ne i shërbejmë Zotit ne duhet të jemi mirëdashës me të gjithë. Kjo do të thotë që njerëzit që na lëndojnë, fyejnë, urrejnë krishterimin, që na tallin dhe madje edhe që na shmangin duhet të trajtohen me mirëdashje ose butësi. Është e vështirë që të mos jesh i ashpër dhe i zemëruar. Puna e Frymës prodhon mirëdashje *(Kërkojini adoleshentëve që të shkruajnë në frytin që kanë bërë: “Për të gjithë jo vetëm për shokët”)*.

Mirësia

Prindërit dhe mësuesit e tu bëjnë shumë për ty. Por a je i mirë me ta? Askush nuk është i mirë në mënyrë të përsosur përveç Perëndisë. Jezusi e tha këtë tek Mateu 19:17. Kur në Bibël shfaqet mirësia ose veprat e mira, gati gjithmonë, i referohen Perëndisë. Por shiko Veprat e Apostujve 9:36. Tabitha bënte shumë vepra të mira. Ne duhet të përpiqemi të jemi “të mirë” me njerëzit. Mirësia e Perëndisë le të tregohet në veprat tuaja të mira që ti jepet lavdi Perëndisë (Mateu 5:16). *(Kërkojini adoleshentëve që të shkruajnë në frytin që kanë bërë: “I sjell lavdi Perëndisë!”)*.

Besimi (Besnikëria)

Në shëmbëlltyrën e talentave çdo shërbëtor mori një numër të caktuar talentash (parash) dhe kishte përgjegjësi për to. Ata që punuan shumë dhe mirë dëgjuan këto fjalë, “Të lumtë, shërbëtor i mirë dhe besnik” (Mateu 25:21). Për shkak se ata ishin besnikë në gjëra të vogla atyre do t’i besoheshin përgjegjësi më të mëdha. Edhe ne duhet të jemi besnikë në të gjitha gjërat – të vogla dhe të mëdha. A mund të mendosh për gjëra në të cilat besnikëria është e rëndësishme? Koha e qetë, bindja, pjesëmarrja në kishë, miqësia, predikimi i Ungjillit ... Fryma e Shenjtë prodhon besnikëri në jetët tona por edhe ne duhet të punojmë për të qenë besnikë. A ia vlen? Po, sepse një person besnik do të jetë i bekuar (Fjalët e Urta 28:20). *(Kërkojini adoleshentëve që të shkruajnë në frytin që kanë bërë: “Çon në bekime të mëdha!”)*.

Zemërbutësia

Çfarë mendon, çfarë do të thotë kjo? Kjo do të thotë që të jesh i nënshtruar me qetësi ndaj Perëndisë, i butë me ata që të rrethojnë dhe i përuar. Sot bota thotë se duhet të kesh vetëbesim dhe të vendosësh veten të parin, Krenaria dhe arroganca pranohen. Por fryti i Frymës është zemërbutësia, e cila është e kundërta e qëndrimit të botës. Megjithatë

zemërbutësia nuk është dobësi – që të jesh zemërbutë duhet të jesh një person i fortë. Numrat 12:3 na tregojnë për një burrë shumë zemërbutë ose të përrulur. A ishte ai i dobët? Jo! Ai ishte udhëheqësi i një kombi të madh. Ai ishte Moisiu. Prandaj zemërbutësia nuk është diçka për t'u përbuzur por diçka për t'u dëshiruar. (Kërkojini adoleshentëve që të shkruajnë në frytin që kanë bërë: "Zemërbutësia nuk është dobësi!").

Vetëkontrolli


Kur Pali i shkroi Titit shumë udhëzime prej Perëndisë, një gjë që i tha Titit ishte që t'i inkurajonte besimtarët e rinj që të ishin me vetëkontroll, (Titit 2:6). Kur është i domosdoshëm vetëkontrolli? Ne duhet të kemi vetëkontroll kur shikojmë televizor, në atë që themi kur gjërat nuk shkojnë si duam ne, në përmbajtjen e temperamentit tonë ku gjërat shkojnë keq, në mbajtjen të pastër të vetes sonë nga çfarëdo forme tundimi seksual, kur jepemi pas diçkaje me të cilën na pëlqen të kalojmë kohën e lirë ose sportit, plus një ushtri tundimesh të shumëllojshme që me të cilat duhet të përballemi. Ne nuk mund të kemi vetëkontroll me fuqinë tonë por ne mund ta bëjmë këtë kur na mundëson Fryma e Shenjtë. (Kërkojini adoleshentëve që të shkruajnë në frytin që kanë bërë: "Perëndia e bën të mundur!").

Është e rëndësishme të theksojmë se në Bibël Pali flet për "frytin" e Frymës jo "frytet". Ne nuk mund të themi "Do të jem i mirë dhe besnik por jo me vetëkontroll." Të gjitha këto cilësi duhet të zhvillohen në jetët tona. Mbaj mend është fryti "i Frymës", jo fryti i përpjekjeve tona. Gjatë këtij studimi, ke mësuar se nuk je i aftë t'i kesh të gjitha këto cilësi. Por Fryma mund të t'i japë ato ty. Varu tek Perëndia dhe kërko që të japësh frytin e Frymës që të tjerët të dinë se ti i përket Zotit. Mbaj mend, "Perëndia nuk bekon talentet e mëdha aq sa bekon ngjashmërinë e madhe me Jezusin". (Robert Murray McCheyne).

Metoda: Shiko në jetën e Jezusit

Nëse keni kohë ndajini adoleshentët në tre grupe dhe jepini secilit një pasazh të ndryshëm biblik – Mateu 8:23-27, Gjoni 6:1-14 dhe Gjoni 8:1-11. Kërkojini atyre që të lexojnë pasazhin dhe të mendojnë se cili aspekt i frytit të Frymës mund të shihej në karakterin e Jezusit në këto rrethana. Pastaj adoleshentët të bashkohen të gjithë bashkë dhe të flasin për këtë. Kjo do t'i ndihmojë adoleshentët që të kuptojnë se Jezusi i kishte të gjitha karakteristikat e frytit të Frymës. Nënvizoni faktin që Fryma që jetonte në Jezusin tani jeton në ne (Galatasve 4:6) dhe po na transformon ne sipas shëmbëllimit të Tij.


Metoda: Kërkim fjalësh



Fotokopjoni materialin 12 për të gjithë adoleshentët. Ata mund ta plotësojnë gjatë programit ose më vonë në shtëpi. Do t'i ndihmojë që të përsërisin mësimin dhe të mësojnë përmendësh pikat kryesore ●







PËRGJIGJET E MATERIALIT 12



Dashuri; gëzim; paqe; durim; mirëdashje; mirësi besnikëri; zemërbutësi; vetëkontroll.

Autoriteti

Synimet: Ne duam që adoleshentët:

-  të kuptojnë që Perëndia ka vendosur autoritete njerëzore të cilave njerëzit duhet t'i nënshtrohen.
-  të kuptojnë që Ai e bëri këtë për edukimin dhe mbrojtjen tonë.
-  t'i kërkojnë Perëndisë falje për mosbindjen dhe të ndryshojnë qëndrimin e tyre në shtëpi, në shkollë, etj.
-  të pendohen dhe t'ia nënshtrojnë jetët e tyre Perëndisë.

Hyrje: Tabelat e Sinjaleve



(Tregoni një pjesë të Vizualit 12. Në fillim teksti dhe treni duhet të jenë të mbuluar) Ndërsa ne ecim me motoçikletën tonë, ndeshim disa tabela sinjalesh në anë të rrugës. Shiko këto.

Çfarë tregojnë ato dhe çfarë duhet të bëjë drejtuesi i mjetit? Ato tregojnë se po kalon një tren dhe se drejtuesi duhet të kontrollojë nëse ka tren duke ardhur para se të kalojë në anën tjetër. Çfarë mund të ndodhë nëse drejtuesi nuk bindet? (Tani zbuloni trenin në Vizualin 12). Treni i shpejtësisë së lartë nuk do të ndalojë në kohë. Pasojat mund të jenë dramatike. Pra, pse i vendosën autoritete këto tabela sinjalesh në anë të rrugës? Ata e bënë këtë për sigurinë tonë. Sot do të flasim për “autoritetin”. Nuk e di se si ndjehesh kur e dëgjon këtë fjalë. Shumë njerëz nuk e pëlqejnë atë. Ata e sfidojnë autoritetin, ndonjëherë madje rebelohen. A ke menduar

ndonjëherë për faktin se autoritete ekzistojnë për të mirën tonë?

Kemi bërë shumë rrugë drejt Perëndisë. Mbjaj mend që kemi qenë duke kaluar barrierën e mëkatit, kemi kaluar mbi urën e shpëtimit dhe kemi marrë targa fare të reja tani që jemi shfajësuar në Krishtin. Që ta mbajmë serbatorin plot, vendosëm të kemi kohë të qetë çdo ditë. Tani kujto mësimin e kaluar. Si duhet t'i ndikojë jetët tona ky udhëtim? (Shihni nëse adoleshentët kanë mundur të mbajnë mend nëntë karakteristikat e frytit të Frymës). Pra kemi parë bazat e të jetuarit në rrugën e Perëndisë. Tani ne do të kalojmë disa javë duke parë veçanërisht se çfarë do të thotë kjo për ne në aspekte të ndryshme të jetëve tona. Një gjë që do të ndikohet, nëse kërkojmë të jetojmë sipas rrugës së Perëndisë, është qëndrimi ynë ndaj autoritetit. Le të shohim se çfarë thotë Bibla për autoritetin.

Perëndia ka autoritet të plotë

Psalmi 103:19 flet për fronin e Perëndisë në Qiell dhe shtrirjen e mbretërisë së Tij. Ai sundon mbi të gjithë universin! Perëndia i krijoi të gjitha gjërat. Nuk ka asgjë në Qiell ose në tokë që nuk është nën kontrollin e Tij madhështor. A mund të mbash mend histori të Biblës në të cilat autoriteti i plotë i Perëndisë manifestohet qartë? Ne mund ta shohim autoritetin e Tij përgjatë Biblës – p.sh. në kopshtin e Edenit dhe në Dhjetë Urdhërimet.

Perëndia ka vendosur autoritete njerëzore

Sipas Romakëve 13:1, autoritete njerëzore si policët, qeveritarët, mësuesit dhe prindërit

janë vendosur prej Perëndisë. Sipas mendimit tuaj, pse e bëri Ai këtë? Ne e dimë se çfarë mund të ndodhë nëse nuk do të kishte policë në rrugë, nuk do të kishte qeveritarë që drejtojnë vendin, nuk do të kishte mësues ose prindër në shtëpi – do të ishte kaos! Perëndia e di se për çfarë kemi nevojë dhe i ka vendosur autoritete për të mirën tonë. Ne duhet të jemi falënderues për ata duke e ditur se ata vijnë prej Perëndisë. Mosbindja ndaj autoriteteve të vendosura nga Perëndia është mosbindje ndaj Tij.

Njeriu duhet të nënshtrohet

Titi 3:1 na mëson se duhet t'i nënshtrohemi sunduesve tanë. A është ky një reagim i natyrshëm ndaj autoritetit? Fatkeqësisht, që nga fillimi i historisë njerëzit kanë rebeluar ndaj autoritetit dhe standardeve të Perëndisë. Në vend të autoritetit, fjalët si "rebelim", "mosbindje", "mungesë respekti", "kundërshtimi" "shkelje ligji" dhe "të drejtat e njerëzve" pasqyrojnë qëndrimin e botës. Shpesh njerëzit thonë, "Si guxon të më korrigjosh!" ose, "Bëje në mënyrë time." Këto standarde rebele shpesh flaken tek ne në muzikë ose filma. Ne duhet të shkojmë në rrugën e Perëndisë me respekt ndaj autoritetit.

Së pari ndaj Perëndisë pastaj ndaj njeriut

Tek Veprat e Apostujve 5, kur apostujt u urdhëruan në mënyrë rigoroze që të mos flisnin më për Jezusin, ata thanë (vargu 29) se duhet t'i bindeshin Perëndisë më shumë sesa njerëzve. Është e rëndësishme të kuptojmë se autoriteti që kanë prindërit, qeveritarët, etj., i është dhënë prej Perëndisë dhe kështu ata që janë në autoritet duhet t'i vendosin standardet e tyre në Fjalën e Perëndisë. Mosbindja ndaj këtyre autoriteteve është e drejtë vetëm në rastin kur ata po na urdhërojnë qartë që të bëjmë

diçka që Perëndia e ndalon ose kur na ndalojnë të bëjmë diçka të cilën Perëndia e urdhëron ta bëjmë. Gjatë Luftës së Dytë Botërore, Kori ten Bum nuk e kishte gabim kur fshihte hebrenjtë pavarësisht nga urdhrat e regjimit nazist. Sot një shitës i krishterë duhet të refuzojë që të japë informacion të gabuar ndaj konsumatorëve në mënyrë që të shesë, pavarësisht nga presioni prej bosit të tij. Por kujdes: kjo nuk duhet të përdoret si justifikim për mosbindjen.

Metoda: Gazetat

Ndajini adoleshentët në grupe. Pritni artikuj nga gazetar (korrupsion, aksident rrugon, etj.) dhe jepini një çdo grupi. Kërkojini atyre që të lexojnë artikullin dhe t'i përgjigjen pyetjeve.

1. Çfarë qëndrimi ndaj autoriteti kanë njerëzit e përmendur në artikull?
2. Cilat ishin pasojat në jetët e tyre dhe të të tjerëve?

Bashkojini bashkë grupet dhe le të bisedojnë. Nënvizoni se sa të nevojshme janë autoritete dhe se sa e rëndësishme është bindja ndaj tyre.

NDARJA E MËSIMIT



Të krishterët duhet të mësojnë t'i binden asaj që Perëndia mëson në Fjalën e Tij. Le të shohim se si ndikon kjo tek ne në shtëpi, në punë, në kishën lokale dhe në jetën publike. (Tregoni Vizualin13

në mënyrë progresive ndërsa përparoni me mësimin)

Në shtëpi

Sipas Efesianëve 6:1-3, Perëndia dëshiron që ti t'i bindesh prindërve të tu. Perëndia i ka vendosur ata mbi ty për të mirën tënde. Ata të edukojnë dhe kujdesen për ty. Tek Efesianëve 6:2 përmendet urdhërimi i pestë. Kjo nuk është një zgjedhje vetëm për disa por është një urdhërim prej Perëndisë për të gjithë të krishterët. Nëse nuk nënshtrohemi jemi duke mëkatuar kundër Perëndisë. Kolosianëve 3:20 na tregon se bindja ndaj prindërve e kënaq Zotin. Gjithashtu kënaq prindërit! Të “nderosh” nuk ka të bëjë vetëm me bindjen por gjithashtu me respektin dhe dashurinë. Prindërit nuk janë të përsosur por ata sakrifikojnë shumë për fëmijët e tyre, prandaj fëmijët duhet t'i nderojnë dhe t'i binden atyre. Zoti Jezus dha shembullin e përsosur (Lluka 2:51). Të krishterët e rinj sot gjithashtu duhet të jenë të bindur ndaj prindërve të tyre.

Në shkollë

Sipas 1 Pjetrit 2:13-14, të krishterët duhet t'i nënshtrohen atyre që janë në autoritet. Këto vargje i referohen të gjitha autoriteteve njerëzore kështu që duhet të përfshijmë edhe ata që kanë autoritet në shkollë. Mund të falënderojmë Perëndinë sepse Ai ka vendosur mësues prej të cilëve ne mund të mësojmë shumë. Ata po të ndihmojnë që të pajisesh për punën tënde në të ardhmen. Bindja dhe respekti për mësuesit dhe drejtorët, etj. do të jetë një dëshmi e shkëlqyer jo vetëm për stafin por gjithashtu edhe për nxënësit. Kolosianëve 3:23 thotë, “Dhe çdo gjë që të bëni, ta bëni me dëshirë të mirë, si për Zotin dhe jo për njerëzit.” Nxënësit e krishterë duhet të jenë gjithmonë të përlotur, të punojnë shumë dhe të jenë të sjellshëm. Nëse këto parime mësohen dhe zbatohen në shkollë do të jetë më e lehtë që të zbatohen më vonë në botën e punësimit.

Në punë

Sipas Kolosianëve 3:22, Perëndia dëshiron që ne t'i bindemi punëdhënësve tanë. Në botën e sotme kjo do të përfshinte punësimin me kohë të plotë dhe të pjesshme. Ne bindemi jo për shkak se duam t'i pëlqejmë njerëzve por sepse ne gjithmonë kërkojmë t'i pëlqejmë Zotit. Edhe kur është e vështirë që të respektosh punëdhënësin, 1 Pjetrit 2:18-20 na tregon se duhet t'i nënshtrohemi autoritetit të tij. Nëse këto urdhërime mësohen përmendësh dhe u bindemi atyre, do të na ndihmojë jo vetëm për dëshminë tonë ndaj të pashpëtuarve, por ajo që është më e rëndësishme është që Perëndia do të përlëvdohet.

Në kishën tënde lokale





Sipas Hebrenjve 13:17, ne gjithashtu duhet t'i bindemi atyre që kanë autoritet mbi ne në kishën lokale. Zoti Jezus ka vendosur disa që të jenë autoritet mbi kishën lokale dhe na thuhet tek 1 Thesalonikasve 5:12-13 se duhet të kemi vlerësim të lartë për njerëz të tillë. Si duket kjo në krahasim me qëndrimet tona kur shpesh ndjehemi se ne i dimë më mirë gjërat! Shumë probleme në kishë mund të shmangen nëse të krishterët do t'i bindeshin atyre që kanë autoritet mbi ta. Si i krishterë i ri, ti mund të mësosh shumë nga më të vjetrit që kanë qenë të krishterë për një kohë më të gjatë se ti.

Në jetën publike

Sipas Romakëve 13:1-7 është thelbësore bindja ndaj atyre që kanë autoritet mbi ne në jetën publike. Ne duhet t'i bindemi këtij autoriteti, përveç rastit kur është qartë kundër mësimin të Fjalës së Perëndisë. Qofshin këta autoritete qeveritare, policore, lokale, etj. ne duhet t'i bindemi për “shkak të Zotit”. Përlësia e krishterë është ende një dëshmi në të gjitha këto zona të jetës.

Zotërimet

Synimet: Ne duam që adoleshentët:

-  të kuptojnë se si paraja dhe zotërimet mund ta largojnë dikë shumë larg Perëndisë.
-  të kuptojnë se kanë nevojë që të transformohen dhe të mësojnë të kënaqen dhe të jenë bujarë.
-  të japin me bujari ca nga paratë tyre të xhepit për punën e Zotit.
-  të pendohen nga dashuria për paratë dhe të kthehen tek Perëndia.

Hyrje: Çfarë është e domosdoshme?

Fillojeni këtë mësim duke i kërkuar adoleshentëve të bëjnë një listë të pesë gjërave materiale që zotërojnë. Listojini këto në një tabelë ose në projektor. Ka mundësi që të përmendin zotërimet e tyre të preferuara (telefon, kompjuter, biçiklete, etj.). Pastaj pyetini se sa jetësore janë këto për jetesën e përditshme dhe vendosini gjërat në radhë sipas rëndësisë së tyre. Tani kërkojini që të bëjnë një listë me pesë gjëra që janë të nevojshme për jetën e përditshme (veshje, furçë dhëmbësh, llambë, etj.). Ndhimojini adoleshentët të kuptojnë se kanë çdo gjë që kanë nevojë dhe madje edhe më tepër!

Kur ecim me motoçikletë, ka disa rregulla që duhen ndjekur. Duhet të mbushim serbatorin rregullisht – të kemi një kohë të qetë të përditshme. Duhet të ndjekim tabelat e sinjaleve që janë në anë të rrugës. Çfarë mësuam për autoritetet në mësimin e kaluar? Perëndia ka vendosur autoritete mbi ne. Ai e bëri këtë për të mirën tonë dhe ne duhet t'i bindemi atyre në jetën publike, në shtëpi, në shkollë, në punë dhe në kishën lokale. Sot do të shohim një parim tjetër të rëndësishëm



(tregoni Vizualin 14). – mos e mbingarko motoçikletën tënde sepse nuk do t'ia arrish të shkosh larg! Bota sot të inkurajon të marrësh kaq shumë gjëra. Duhet të kuptosh se zotërimet mund të pengojnë udhëtimin tënd me Perëndinë.

Bota thotë, "Merr më shumë!"



Bota ka një qëndrim ndaj zotërimeve që është si një "rreth vicioz". Pesë fazat ose pikat në rreth janë si më poshtë. (Zbuloni në mënyrë progresive Vizualin 15 ndërsa përparoni me mësimin).

"Unë nuk jam i kënaqur!"

Pse ndjehen njerëzit të pakënaqur? Sepse dikush tjetër ka atë që ata duan dhe ata mendojnë po të kenë atë, ajo do t'i bëjë ata të lumtur. Njerëzit që punojnë me reklamat kanë për qëllim që të prodhojnë pakënaqësi në jetët tona. Për shembull, loja ose paketa e fundit kompjuterike reklamohet në atë mënyrë sa na bënë të ndihemi sikur jemi të humbur po nuk e patëm atë. Ndoshta njëri prej shokëve të tu merr një telefon celular dhe ti mbetesh i pakënaqur me atë që ke.

"Unë e dëshiroj atë!"

Pakënaqësia kthehet në dëshirim. Pasi kemi parë një reklamë ne fillojmë të fantazojmë me produktin. Ne kemi dëshirë. që ajo lumturi dhe kënaqësi e thellë të jetë e jona.

"Unë kam nevojë për të!"

Dëshirimi kthehet në nevojë. Në këtë fazë të gjitha argumentet që mund të jenë ngritur kundër blerjes së artikullit hiqen. Kemi gënjyer veten se me të vërtetë kemi nevojë për këtë artikull dhe në mendjen tonë kjo bëhet një arsye legjitime për ta pasur atë.

"Unë e blej atë!"

Nuk i kemi gjithmonë paratë (fatmirësisht!), por nëse i kemi nxitojmë për në dyqan. Ka kaq shumë gëzim. Dhe artikulli sigurohet.

"Unë jam i lumtur për pak kohë!"

Pakënaqësia zëvendësohet me kënaqësinë, të paktën për njëfarë kohe. Pastaj çfarë ndodh gradualisht?

"Ndryshon moda!"

Shikon një reklamë për një produkt të ri me karakteristika të jashtëzakonshme. Disa nga shokët tuaj e marrin këtë artikull fare të ri. A e gjeni dot se në çfarë kthehet kënaqësia?!

"Unë nuk jam i kënaqur!"

Tani kemi bërë rrethin e plotë dhe jemi kthyer tek pakënaqësia! Është një rreth pafund në të cilin janë zënë shumë njëjën.

Pse është e rrezikshme që të jesh në këtë rreth vicioz? Në pjesën më të madhe të kohës ne jemi të pakënaqur. Shpenzojmë shumë para. Paraja është karburanti që e bën këtë rreth të lëvizë. Dikush u pyet, "Sa para duhen për të qenë të lumtur?" Ai u përgjigj, "Vetëm pak më shumë!" Ne gjithmonë duam më shumë për të kënaqur dëshirat tona. Por ka pasoja shumë të mëdha – ne mund të jemi duke jetuar për para dhe zotërimet në vend që të jetojmë për Perëndinë. Paraja dhe zotërimet nuk janë të këqija në vetvete por ata mund të na largojnë ne nga Perdia. Mund të zhvillohet shumë

lehtë një dashuri për vetë paranë dhe kjo dashuri për paranë është rrënja e të gjitha të këqijave (1 Timoteut 6:10).

Tek Lluka 12:16-20, fermeri pasanik e la Perëndinë jashtë planeve të tij tokësore. – dhe vdiq si një i marrë! Vini re se sa herë përmenden "Unë" dhe "ime, imi" në këtë pjesë. Ai i vendosi zotërimet dhe paratë e tij para një marrëdhënieje të drejtë me Perëndinë. Por ata nuk mund të shpëtonin shpirtin e tij. A do t'ia vësh veshin paralajmërimit? Mos i lër zotërimet të zënë vendin e Perëndisë në jetën tënde!

NDARJA E MËSIMIT

Perëndia thotë, "Jep më shumë!"

Le të shohim se çfarë thotë Bibla për qëndrimin e drejtë kundrejt zotimeve. (Zbulojeni në mënyrë progresive Vizualin 16

ndërsa përparoni me mësimin).



Transformohu

Lexo Romakëve 12:2. Ndërsa kemi përshkruar rrethin vicioz, ndoshta ke kuptuar se je zënë

në këtë rreth dhe nuk po jeton siç duhet për Perëndinë. Vret mendjen se si është e mundur të mos konformohesh me këtë botë. Vargu që ne lexuam thotë se duhet të transformohesh. Kërkoji Perëndisë që të të falë dhe lëre Atë të të transformoj, të të përtërijë mendjen dhe të bëj të mundur që të jetosh sipas vullnetit të Tij.

Materializmi është diçka të cilin duhet ta luftojmë vazhdimisht në jetët tona të krishtera. Por ne mund t'i besojmë ndihmës së Perëndisë. Perëndia dëshiron që jetët tona të jenë ndryshe. Një aspekt i kësaj është të kesh dashuri për Zotin Jezus dhe jo për paranë. Tomas Uatson një herë ka thënë se

kur anija ishte në det gjithçka ishte mirë, por kur deti hyri në anije ky ishte një problem i madh. Në ilustrim anija përfaqëson besimtarin dhe deti përfaqëson “botën”. I krishteri duhet të jetojë në botë por kur bota hyn në të krishterin kjo çon në probleme dhe fatkeqësi të mundshme. A je i transformuar apo je ende i konformuar?

Ji i kënaqur

Pali thotë tek Hebrejve 13:5 se ne duhet të jemi të kënaqur me atë që kemi – jo me atë që shpresojmë të kemi. Çfarë duhet të bësh kur je i mbushur me pakënaqësi për shkak të diçkaje që dëshiron ta blesh? Mendo për të gjitha ato që Perëndia të ka dhënë tashmë. Kalo disa minuta duke e falenderuar Atë dhe kërkoji Atij urtësi për të ditur se çfarë të bësh me paratë e tua. Na thuhet tek Mateu 6:33 se nëse vendosim Perëndinë të parin, të gjitha ato që kemi nevojë (por jo ato që dëshirojmë!) do të sigurohen.

Metoda: Numëro privilegjet e tua

Lexoni pikat e mëposhtme dhe kërkojini adoleshentëve që të ngrenë gishtin e madh të dorë lart sa herë që një thënie i përshtatet jetës së tyre dhe poshtë kur nuk i përshtatet.

- ✦ Ti jeton në një shtëpi ose apartament që është më i madh se një kasolle.
- ✦ Për të pasur ujë të duhet vetëm të hapësh rubinetin.
- ✦ Ti nuk ha çdo ditë oriz.
- ✦ Ti nuk bie të flesh i uritur.
- ✦ Ti merr dhurata për Krishtlindje.
- ✦ Prindërit e tu dhe një doktor kujdesen për ty.
- ✦ Ti shkon në shkollë me një kuti me lapsa dhe me një çantë.
- ✦ Ti i lan dhëmbët me pastë dhëmbësh.

Pjesa më e madhe e adoleshentëve në botën e tretë nuk kanë privilegje të tilla.

Pastaj kërkojini adoleshentëve që të llogarisin me

përafërsi se sa kushtojnë veshjet që kanë veshur. Ata duhet të përfshijnë vlerën e pantallonave, fundit, këpucëve, bluzës, të brendshmeve, bizhuterive orës dhe syzeve. Pjesa më e madhe e adoleshentëve në botën e tretë veshin vetëm rrecka. Ndërsa kuptojmë se kemi më shumë, duhet të jemi falenderues dhe të kënaqur.

Ji bujar

Ndërsa personi në botë përpiqet që të ketë gjithnjë e më shumë dhe shqetësohet vetëm për “unë” dhe “e imja”, i krishteri duhet të shqetësohet për të qenit bujar me punën e Zotit dhe me ata që janë në nevojë. Bibla na mëson se të krishterët duhet të japin minimumin që është një e dhjeta e të ardhurave të tyre (Levitiku 27:30). Kjo përfshin paratë e xhepit, punën me kohë të pjesshme ose punësimin me kohë të plotë. Por Bibla na inkurajon që të japim më shumë – sipas mundësive tona. Bota thotë, “Merr më shumë!” por Perëndia thotë, “Jep më shumë!” Tani do të shohim një rreth tjetër, që në vend që të fillojë e të mbarojë me pakënaqësi, fillon dhe mbaron me gëzim e bekim! Lexo 2 Korintasve 9:6-14. Këto janë fazat e rrethit të bujarisë.

“Unë dëgjoj për një nevojë”





Korintasit dëgjuan prej Palit se disa vëllezër dhe motra në Jeruzalem kishin shumë nevojë. Sot edhe ne dëgjojmë për njerëz në nevojë. Misionarët kanë nevojë për mbështetje për të vazhduar shpërndarjen e Ungjillit. Kisha lokale ka nevojë për ofrime për të paguar pastorin dhe shpenzime të tjera.

“Unë jap me dëshirë”

Ne vendosim të japim, jo sepse të tjerë na detyrojnë, por sepse duam të japim. Ne e kuptojmë që gjithçka që kemi është prej Zotit dhe duam të kontribuojmë në punën e Zotit.

Morali

Synimet: Ne duam që adoleshentët:

-  të kuptojnë që Perëndia u ka dhënë atyre standarde të qarta morale në Fjalën e Tij.
-  të kuptojnë rrezikun e të qenit të kapur nga pikëpamja e botës, nën ndikimin e shokëve dhe medias.
-  të kërkojnë udhëheqje në Shkrim kur përballen me çështje morale dhe të binden me kurajë.
-  të pranojnë qëndrimin e tyre moral të mëkatshëm dhe t'i kërkojnë Perëndisë që t'i falë.

Hyrje: Pirateria



(Tregoni Vizualin 17). Mendo sikur një shok është i interesuar që të ketë një nga CD-të ose DVD-të e tua dhe të kërkon që t'i bësh një kopje. Ai të shpjegon se nuk është më në shitje në dyqan dhe

të premton se do ta përdorë vetëm për një ose dy javë dhe pastaj do ta shkatërrojë atë. A do të bëje një kopje? Mbi çfarë baze do ta merrje vendimin? Çfarë shpjegimesh do të jepje? Cili do të ishte reagimi i shokut tënd? (Diskutoni me adoleshentët).

Çështjet morale

Sot do të flasim për moralin – çfarë është e drejtë dhe çfarë është e gabuar. Në jetën e përditshme përballemi me shumë çështje morale. Këtu janë disa me të cilat do të ndeshesh herët a vonë.

- A mund të eci me motoçikletën time mbi limitin e shpejtësisë?
- A është në rregull nëse shkon për pazar të dielave?
- A mund të them një “gjysmë-të vërtetë” për të dalë nga telashet?
- A është e pranueshme veshja e një fundi të shkurtër?
- A mund të jetoj me dikë para se të martohem?

Në shoqërinë e sotme, ne gjejmë pikëpamje nga më të ndryshmet mbi këto tema. Disa thonë, “Po, është e në rregull,” të tjerët, “Jo, është e gabuar,” ose, “Varet.” Mbi çfarë bazash i marrin njerëzit vendimet? Varet nga ajo që ata besojnë. Besimi ndikon gjithmonë në sjellje. Prandaj është shumë e rëndësishme të zgjedhim se çfarë besojmë. Kjo do të ndikojë të gjithë mënyrën tonë të të jetuarit.

Pikëpamja e krishterë



(Zbulojeni Vizualin 18 në mënyrë progresive). Besimi i krishterë bazohet në Biblën e shenjtë. Bibla na mëson që Perëndia është vërtetë, i fuqishëm dhe i gjithëdijshëm dhe që Ai krijoi botën dhe gjithçka që është në të. (Zanafilla 1:1).

Kur Perëndia krijoi njeriun, Ai gjithashtu i dha atij udhëzime të qarta për mënyrën se si duhej të sillej (Zanafilla 2:16-17). Më vonë Ai i dha popullit të Tij Dhjetë Urdhërimet (Eksodi 20). Në Bibël ne gjejmë standardet e Perëndisë për të drejtën dhe të gabuarën.

Këto standarde, të vëna nga Perëndia, janë baza e moralit. Për arsye se jemi krijuar nga Perëndia ne japim llogari para Tij për mënyrën se si sillemi. Nëse i mbajmë statutet e Tij, ne ecim në rrugët e Tij dhe përjetojmë bekimet e Tij. (Psalmi 119:1-3).

Metoda: Plotëso fjalitë (pjesa 1)

Kërkojini adoleshentëve të shikojnë vargjet dhe të përfundojnë fjalitë.

- Eksodi 20:15 dhe Romakëve 13:1
– “Vendosa të mos e kopjoj një CD ose DVD, sepse ...”
- Eksodi 20:8 – “Vendosa të mos e inkurajoj të bërit pazar ditën e diel sepse ...”
- Fjalët e Urta 6:16-17 – “Vendosa të mos gënjej, edhe kur jam në telashe, sepse ...”
- 1 Thesalonikasve 4:3-5 – “Vendosa të mos bëj seks para martesës sepse ...”

Është jetësore që të qëndrojmë brenda limiteve të vendosura prej Perëndisë për të mirën tonë.

Pikëpamja e krishterë ka ndikuar shumë shoqëri njerëzore, por gjërat kanë ndryshuar shumë. Disa parime morale të krishtera ende mbahen, por mjerisht shumë prej tyre po shpërfillen ndërsa po pranohet më shumë pikëpamja humaniste.

Pikëpamja e botës



(Zbuloni Vizualin 19 në mënyrë progresive). Për shumë njerëz, nuk ka perëndi. Ateizmi nuk beson në ekzistencën e ndonjë perëndie. Pavarësisht nga shumë prova që shqyrtuam në mësimin 1, ata nuk besojnë se ka një krijues.

Ata mendojnë se ne nuk jemi të krijuar por jemi këtu thjeshtë nga rastësia. Për ta njeriu është rrjedhojë e evolucionit. Si pasojë ata nuk pranojnë ligjin e Perëndisë. Ata nuk e pranojnë se ka standarde të qarta të së drejtës dhe të së gabuarës. Ata duan që të mos ketë absolute.

Atëherë, si e vendosin se çfarë është e drejtë dhe çfarë është e gabuar? Standardet e që mësohen në Bibël janë zëvendësuar me pikëpamjet njerëzore. Në vend që të dëgjojnë Perëndinë ata dëgjojnë të tjerët dhe median. Ata varen në të menduarit njerëzor dhe jo tek Krishti (Kolosianëve 2:8). Në vend që t'i nënshtrohen Krijuesit të tyre, ata ndjehen të lirë të mendojnë sipas ndjenjave të tyre se çfarë duhet të bëjnë ose të mos bëjnë – “Unë e ndjej që kjo është e mirë, do ta bëj.” Kjo pikëpamje mund të shihet shumë qartë në shoqërinë tonë sot.

Metoda: Plotëso fjalitë (pjesa 2)

Kërkojini vullnetarëve që të vënë në dukje pikëpamjet e botës duke përfunduar fjalitë e mëposhtme.

- “Unë do të kopjoj një CD ose DVD, sepse ...”
- “Unë do të bëj pazar të dielën sepse ...”
- “Unë do të bëj seks me të dashurën time sepse ...”

Pastaj pyetini adoleshentët se cilat janë pasojat e mos marrjes para sysh të ligjit të Perëndisë në këto tre zona.


NDARJA E MËSIMIT

Ji i përgatitur

Pikëpamja e krishterë mbi sjelljen dhe moralin dhe pikëpamja e botës mbi sjelljen dhe moralin janë qartësisht të kundërta me njëra tjetrën. Si një i ri që po rritet në

shoqërinë e sotme, do ta shohësh veten në situata në të cilat do të jetë e vështirë të vendosësh se çfarë të bësh. Më poshtë ka disa çështje që i ndikojnë të rinjtë sot. Si do të reagoje nëse do të përballësh me këto situata?

Method: Diskutim në grup



Shpërndajani materialin 16 të gjithë adoleshentëve. Ndajini ata në grupe me afërsisht pesë persona secili dhe vendosni një drejtues tek çdo grup. Për këtë ushtrim duhen drejtues me përvojë

dhe të ndjeshëm dhe përgatitja e mirë është thelbësore. Diskutoni për problemet një nga një, për rreth tre deri në pesë minuta. Inkurajojini adoleshentët që të mendojnë në mënyrë kritike për të parit televizor, shokët, veshjet etj. Bashkujini të gjitha grupet përsëri dhe çdo grup le të ndajë atë që kanë gjetur.

Problemi 1: “Të gjithë shokët e mi ndjekin seriale televizive. Unë e di se disa nga ata kanë gjëra imorale, por sigurisht që nuk ka ndonjë rrezik nëse vetëm i shikon. Çfarë mendon ti?”

Problemi 2: “Unë jam 13 vjeç dhe ky djalë i pashëm më kërkoi që dalim bashkë. Shoqet e mia më thonë se do të isha e çmendur nëse nuk do të dilja, por mami thotë se unë jam shumë e vogël. Ajo thotë se nuk e ka problem nëse dal kur ka shumë njerëz të tjerë por jo vetëm. Unë mendoj se ajo është jashtë mode. Çfarë mendon ti?”

Problemi 3: “Më pëlqen që të vishem sipas modës. Javën e kaluar babi im më qortoi sepse kisha veshur një fund të shkurtër. Sigurisht nuk ka gjë të keqe që të ndjekësh modën?”

Problemi 4: Në shkollë shokët e mi takojnë disa nga vajzat mbrapa strehës së biçikletave në kohën e drekës. Ne qeshim shumë por ndonjëherë nuk ndihem rehat kur ka fjalë me dy kuptime dhe shaka të pista. Shoku im që gjithashtu është i krishterë më thotë se jam duke bërë shumë zhurmë për asgjë dhe se nuk ka rrezik. Çfarë mendon ti?”

Vargjet e sugjeruara për të ndihmuar:

- Baza për martesën: Zanafilla 2:20-24 (për problemin 1)
- Baza për besnikërinë (d.m.th në martesë dhe me seksin e kundërt): Eksodi 20:14, Mateu 5:27-32 (për problemin 1)
- Baza për sjelljen: 1 Korintasve 6:18-20, Efesianëve 5:3-4, 1 Pjetrit 1:15, Galatasve 5:19-23, Kolosianëve 3:23 (Për problemet 1, 2, 3 dhe 4)
- Baza për veshjen: 1 Timoteut 2:9-10 (për problemin 3)
- Baza për mendimet: Filipianëve 4:8 (për problemin 1 dhe 4)
- Baza për familjen dhe bindjen: Efesianëve 6:1-4 (Për problemin 2 dhe 3)





Tani ti duhet të bësh një zgjedhje. A do të jetosh sipas standardeve të botës – i drejtuar nga shokët e tu, nga media dhe nga ndjenjat e tua? Apo do të jetosh sipas standardeve të Perëndisë që i gjejmë në Bibël? Ti je përgjegjës para Perëndisë dhe prandaj duhet t’i bindesh Biblës, edhe kur standardet e saj janë të ndryshme nga ato të shoqërisë. Mbjaj mend se Perëndia ka vënë limite për të mirë të tjerë sepse Ai të do dhe dëshiron të kesh më të mirën. Ki kurajë dhe merr vendime të bazuara në standardet e Fjalës së Tij. Perëndia i nderon ata që e nderojnë Atë. (1 Samuelit 2:30). ●



Koha

10

Synimet: Ne duam që adoleshentët:

-  të mendojnë për mënyrën se si e përdorin kohën e tyre.
-  të kuptojnë që koha në tokë është e çmuar por e shkurtër.
-  të shfrytëzojnë çdo rast për t'i shërbyer Zotit.
-  të kërkojnë Zotin për shpëtimin para se të jetë shumë vonë.

Hyrje: Në vijën e nisjes

(Tregoni Vizualin 20 duke e mbuluar tekstin të cilin do ta zbuloni ndërsa

përparoni në mësim). Në vijën e nisjes janë dy motoçikleta. Ato janë gati për t'u nisur për një garë të gjatë. Çfarë mendon, kush do ta fitojë garën? Njëri nga konkurrentët duhet të kuptojë se është koha që të zgjohet dhe të shkojë! Tjetri është gati t'ia shkelë por do t'i duhet të qëndrojë vigilent dhe të mos humbasë kohë rrugës.

Në udhëtimin tonë drejt Perëndisë, kaluam kufirin dhe kaluam urën e shpëtimit. Mësuam shumë parime të rëndësishme – të mbushim serbatorin çdo ditë, të lejojmë Perëndinë të na transformojë sipas shëmbëllimit të Tij, t'i bindemi tabelave të sinjaleve të vendosura nga autoritetet, të mos e ngarkojmë shumë motoçikletën tonë me zotërime. Kujto mësimin e kaluar. Kur përballemi me një çështje morale çfarë duhet bëjmë? (Bëni një përsëritje të vogël).

Sot duam të mendojmë për kohën dhe se si ta përdorim sa më mirë kohën tonë. Le të shohim se çfarë na mëson Bibla për këtë temë.

Metoda: Ushtrimi me shpatë

Kërkojini adoleshentëve të “zhveshin shpatat e tyre” (të ngrenë lart Biblën). Jepini referencën biblike dhe ata ta përsërisin. Kur jepet urdhri, “Sulm!” ata të konkurrojnë për të gjetur vargun. Adoleshenti i parë që e gjen ngrihet në këmbë. Jepini kohë edhe të tjerëve që ta gjejnë dhe pastaj kërkojini fituesit ta lexoj vargun me zë të lartë.

- Psalmi 39:5, Psalmi 90:10-12 dhe Jakobi 4:14 – Cila është e vërteta kryesore që mësohet në këto vargje? Koha është e shkurtër!
- Efesianëve 5:15-17 dhe Kolosianëve 4:5 – Cila është e vërteta kryesore që mësohet këtu? Shfrytëzo kohën!

Ndërsa kuptojmë se sa e rëndësishme është koha, si mendoni, çfarë duhet të bëjmë ne me jetët tona dhe me kohën tonë? Gjëja e parë dhe më e rëndësishme në jetën tënde:

Koha për të kërkuar Zotin

Ka pasur njerëz që kanë kaluar kohë duke u lutur për ty dhe duke të treguar rrugën e shpëtimit. Ti ke shpenzuar kohë duke ardhur në takimet tona. Nëse ende nuk je i shpëtuar atëherë është koha që ta mendosh me seriozitet se ke nevojë për Zotin Jezus Krisht. Bibla na tregon qartë tek 2 Korintasve 6:2 se dita e shpëtimit është tani, sot. Është shumë e rëndësishme dhe nuk


duhet shtyrë. Pse? Sepse ne nuk e dimë se çfarë do të na ndodhë nesër. Jeta jonë në këtë tokë do të mbarojë në një rën nga këto dy mënyra.

- ♦ Do të vdesim (Hebrenjve 9:27). Ne nuk e dimë kur do të ndodhë kjo kështu që është e rëndësishme që të jemi gati që të përballemi me Zotin në gjykim. Mund të thuash, “Për sa kohë mund ta shtyjë ardhjen tek Jezus Krishti?” “Deri në ditën kur të vdesësh,” është një përgjigje e mundshme. Problemi me përgjigjen është se ti nuk e di se kur do të vdesësh, prandaj beso në Krishtin sot.
- ♦ Zoti do të kthehet për besimtarët (1 Thesalonikasve 4:16-17). Ashtu si me vdekjen ne nuk e dimë se kur do të kthehet Zoti, kështu që është absolutisht jetësore që të jesh gati (Mateu 24:44). Koha jonë këtu në tokë duhet të shpenzohet duke u përgatitur për përjetësinë. Për këtë jemi këtu.

Vdekja dhe ardhje e dytë e Jezus Krishtit duhet të na bëjë që ta marrim seriozisht çështjen e shpëtimit tonë. Osea i nxiti njerëzit që të kërkonin Zotin. Fjalët e tij janë ende të përshtatshme edhe sot. “Është koha për të kërkuar Zotin” (Osea 10:12).

Sidoqoftë, edhe pse është shumë e rëndësishme, nuk duhet të dëshirojmë që të shpëtojmë vetëm sa për të shkuar në Qiell. Nëse beson në Zotin Jezusi atëherë jo vetëm që është shpëtuar përjetësisht një shpirt, por është shpëtuar edhe një jetë për t’i shërbyer Perëndisë dhe për t’i sjellë lavdi Perëndisë.

Metoda : Çështje studimi



Fotokopjoni materialin 17 për të gjithë adoleshentët. Le të lexojnë çështjen e studimit dhe të diskutojnë pyetjet. (Një mundësi tjetër mund të jetë që të shfaqni filmin mbi jetën e Xhonit).

Xhoni ka lindur në Baltimora, SHBA, në vitin 1950. Ajo u rrit e rrethuar me dashuri, lumturi dhe siguri në shtëpinë e prindërve të saj.

Në vitin 1967, në një ditë të nxehtë korriku, ajo u takua me motrën e saj Kethi dhe disa miq në plazh, në Gjirin Çespik për të notuar. Ajo u zhyt me shpejtësi dhe menjëherë e kuptoi se diçka ndodhi. Edhe pse nuk po ndjente dhembje, dukej se diçka nuk e linte të lëvizte. Në fillim mendoi se kishte ngecur në një rrjetë peshkimi dhe u përpoq që të lirohej dhe të dilte në sipërfaqe. Ndërsa kuptoi se nuk mund të lëvizte dhe se ishte shtrirë me fytyrë në fund të liqenit, e kapi paniku. Kethi vrapoi tek Xhoni dhe ia doli që ta nxirrte atë nga uji. Ajo i thirri dikujt që të merrnin një ambulancë dhe Xhonin e çuan me nxitim në spital. Jeta e Xhonit ndryshoi përgjithmonë atë korrik të vitit 1967. Ajo kishte thyer qafën – një frakturë midis rruazës së katërt dhe të pestë të qafës. Tani ajo ishte një paraplegjike, e paralizuar nga supet e poshtë. Ndërsa miqtë e saj ishin të zënë duke u përgatitur për të shkuar në kolegje në vjeshtë, Xhoni ishte duke luftuar për jetën e saj dhe i duhej të pranonte faktin se do të jetonte për të gjithë jetën e saj në një karrige me rrota.

Xhoni u mërzi shumë me këtë. Ajo kishte depresion dhe shpesh donte t’i jepte fund jetës. Ajo nuk mund të kuptonte se si Perëndia mund ta lejonte këtë gjë që t’i ndodhte asaj. Para aksidentit ajo kishte ndjerë se nuk ishte duke jetuar jetën ashtu si duhet, kështu që ishte lutur që Perëndia të ndryshonte jetën e saj.

Pas disa muajsh qëndrimi me shikimin nga tavani, Xhoni filloi të mendonte nëse kjo ishte përgjigja e Perëndisë ndaj lutjes së saj. Të kuptuarit që Perëndia ishte

duke punuar në jetën e saj, ishte fillimi i udhëtimit të Xhonit drejt plotësisë së saj si një person me aftësi të kufizuara.

Ajo mësoi që të jetonte me paaftësinë e saj dhe u zhyt në Fjalën e Perëndisë që të forcohej shpirtërisht. Duke qenë krijuese nga natyra e saj, ajo filloi të mësonte të vizatonte dhe të pikturonte duke i mbajtur mjetet me dhëmbët e saj. Ajo i shiti veprat e saj dhe ky ishte një sukses i madh. Ajo gjithashtu ishte në gjendje që të ndante dashurinë e Krishtit në vizatimet e saj. Ajo gjithmonë i firmoste pikturat e saj me inicialet "PTL" (Praise the Lord) që do të thotë "Lavdi Zotit". Xhoni u bë një folëse e njohur konferencash, autore dhe aktore, duke portretizuar veten e saj në prodhimin e kompanisë World Wide Pictures në filmin "Xhoni". Ajo shkroi disa libra. Por puna më e kënaqshme dhe që ka arritur shumë njerëz është përkrahja për njerëzit me aftësi të kufizuara. Më 1979, Xhoni shkoi në Kaliforni për të filluar një shërbesë për njerëzi me aftësi të kufizuara përrreth globit, që quhet "Xhoni dhe miqtë e saj". Në vitin 1982, Xhoni u martua me Ken Tada dhe ata vazhduan t'i shërbejnë Zotit së bashku.

- Çfarë lloj jete kishte Xhoni para aksidentit të saj?
- Si ndikoi aksidenti në jetën e saj?
- Kush ishte prioriteti i saj i ri?

NDARJA E MËSIMIT

Koha për t'i shërbyer Zotit

Jezusi i tha dishepujve të Tij se kishte ardhur koha e korrjes. Ai duhej të bënte vullnetin e Atit të Tij dhe të përfundonte punën e Tij (Gjoni 4:34-35). Sot ti dhe unë duhet të punojmë në të korrat, duke bërë vullnetin e Zotit dhe duke i shërbyer Atij.

Një ditë do të jetë shumë vonë. Në çfarë lloj pune apo shërbese mund të përfshihesh ti?

Në kishën tënde lokale

Në përgjithësi për ty kjo do të thotë pjesëmarrje të rregullt në shërbesat dhe organizimet e tjera të kishës si grupi i të rinjve (Hebrenjve 10:25). Ti gjithashtu mund të përfshihesh edhe në mënyra të tjera – për shembull, në lutje në kishë, ose në ungjillizim jashtë kishë. Tani ti po mëson atë që Bibla mëson për shumëllojshmërinë e doktrinave të besimit tonë. Gjithashtu ti duhet të mësosh edhe se si t'i vësh në praktikë në jetën e përditshme të krishterë. Ke mësuar themelet e besimit tënd në mënyrë që të jesh i përgatitur për shërbesë në kishën tuaj lokale. Përdore këtë kohë me mençuri.

Në jetën tënde personale

Të jesh një adoleshent është një përparësi e madhe në shërbesën ndaj Perëndisë sepse ti mund të takosh njerëz që ndoshta nuk shkojnë në kishë. Nëse ne e besojmë vërtetë Gjonin 3:18, që flet për dënimin e jobesimtarit, atëherë do të duam që t'i paralajmërojmë ata që nuk besojnë. Jeta jonë duhet të kënaqë Perëndinë. Ne duhet të jetojmë jetën tonë si të krishterë para shokëve tanë jobesimtarë. Pastaj duhet të gjejmë mundësi për t'i dëshmuar për Zotin Jezus dhe për atë që Ai ka bërë për ne. Shih Veprat e Apostujve 1:8. "Jeruzalemi" yt është në shtëpinë tënde dhe në shkollën tënde. Nuk do të jetë e lehtë sepse njerëzit shpesh janë armiqësorë kundrejt Perëndisë dhe njerëzve të Tij. Zoti ka premtuar se do të jetë me ne (Hebrenjve 13:5b). Nëse do të vinte vetëm një person tek Krishti do ia vlente e gjitha kjo. Dhe edhe nëse askush nuk beson, atëherë ti mund të jesh një kontakt me Ungjillin, mbi të cilin mund të

ndërtojë dikush tjetër. Ji i durueshëm dhe përdore kohën tënde për përjetësinë.

Në ungjillizim të veçantë

Kjo nuk duhet të zërë vendin e shërbesës në kishë ose të dëshmisë personale. Megjithatë, Perëndia ka përdorur vërtetë kohët e veçanta të misionit për të shpërndarë Fjalën e Tij. Pushimet e verës janë shumë të mira, por kur e planifikon se çfarë do të bësh me kohën e gjatë pa shkollë, mos harro urdhërimin e Zotit. Një nga zonat ku mund të ndihmohesh është duke ungjillizuar fëmijët e humbur. Mund të mos jesh duke qëndruar para fëmijëve në takim, por mund të ndihmohesh duke u kujdesur për fëmijët më të vegjël. Gjithashtu mund të bësh punë si mbajtja e pikëve ose mbajtja e këngëve. Asnjëherë mos mendo se nuk ke se çfarë të bësh me kohën tënde.

Në të ardhme tënde

Klubet lajmi i Mirë kanë nevojë për udhëheqës të mirë dhe ti mund të jesh në gjendje të përdorësh prej Perëndisë nëse i përkushton kohë kësaj. Ndoshta Perëndia do të thërrasë disa prej jush për të shërbyer me kohë të plotë. Kjo mund të jetë në vendin tënd ose në një vend tjetër. Kujto Veprat e Apostujve 1:8? Ti mund të shkosh përtej "Jeruzalemit" tënd. Miliona njerëz nëpër botë nuk e kanë dëgjuar kurrë Ungjillin. Ti mund të jesh misionar tek këta njerëz. Çfarë mënyre e mirë për të përdorur kohën tënde në tokë.

Mund të bëjmë tre gjëra me kohën.


1. Mund ta shpenzojmë kot. Mos e shpenzoni kot sepse është shumë e çmuar dhe ka kaq shumë gjëra që duhen bërë për Zotitn.
2. Mund ta shpenzojmë atë me gjëra të tjera. Disa nga gjërat për të cilat ne shpenzojmë kohën mund të jenë të nevojshme, por shumë prej tyre nuk janë.
3. Ne mund ta investojmë atë në shërbim për Perëndinë. Kjo do të llogaritet në përjetësi. Vetëm ajo që bëhet për Jezusin do të mbetet.

Ne jemi këtu vetëm për një kohë të shkurtër kështu që mos e shpenzo kot atë por investoje.

Metoda: Ndhimoje Fredin të menaxhojë kohën e tij

Ndajini adoleshentët në grupe me tre ose katër

persona dhe jepini atyre materialin 18 me programin që ka Fredi për ditën e shtunë. Ata do të vendosin shigjeta para çdo rreshti të programit të tij për ta ndihmuar Fredin që ta menaxhojë atë më mirë.







Metoda: Mundësitë

Paraqitini grupit mundësi të ndryshme të shërbesës në kishë ose në organizatat misionare. Mund të shpërndani disa fletushka, të keni disa dëshmi, të tregoni disa foto, etj. ●

Zgjidh Rrugën e Perëndisë

Synimet: Ne duam që adoleshentët:

-  të mendojnë se si reagues personazhet e ndryshme biblike ndaj Ungjillit.
-  të kuptojnë se cila ishte pasoja e zgjedhjes së tyre – jeta e përjetshme me Perëndinë ose ndarja e përjetshme prej Tij.
-  të kuptojnë se cila ishte pasoja e zgjedhjes së tyre – jeta e përjetshme me Perëndinë ose ndarja e përjetshme prej Tij.
-  të zgjedhin rrugën e Perëndisë – të pendohen dhe të besojnë Zotin Jezus.

Hyrje: Cili është reagimi yt?

Kërkojini adoleshentëve t'i përgjigjen me zë të lartë lajmeve të mëposhtme.

- ✦ Mami ka bërë supë për darkë!
- ✦ Çmimi i cigareve është rritur!
- ✦ Do të ketë një javë më shumë pushime këtë verë
- ✦ Është gjetur një ilaç që lufton kancerin!

Sot duam të mendojmë se si duhet t'i përgjigjemi një lajmi shumë më të rëndësishëm – lajmi i mirë i shpëtimit. Ti e ke dëgjuar Ungjillin por, a i je përgjigjur atij? A ke vendosur se në cilën rrugë do të shkosh?



Jezusi është Perëndi (Mateu 16)

Ti duhet të besosh (Mateu 16)

Ai vdiq për ty (Mateu 16)

Ti duhet të pendohesh (Mateu 16)

Ai u ringjall (Mateu 16)

Predikimi i Pjetrit të Veprave

Libri i Veprave	Përgjigje pozitive	Përgjigje negative
5,000 besues!	5,000 besues!	Drejtoqësi i fjetur thasë. "Pushoni!"
300 besues dhe 300 besues!	300 besues dhe 300 besues!	Heqjen dhe jehonën e tyre dhe, "Shitni me gurë!"
300 besues!	300 besues!	Falëriti i, "Jo tani!" Fesht i, "I penduar!" Apokalipt i, "Shantë e re!"

Vizuali 21

Le ta përsërisim mesazhin e ungjillit dhe të mendojmë për përgjigjen tonë. (Zbulojini në mënyrë progresive flluskat e fjalëve dhe tabelën e Vizualit 21).

Ungjilli i Krishtit

Libri i Veprave të Apostujve tregon për ngjarje tronditëse që ndodhën pas ardhjes së Frymës së Shenjtë në Pentakost. Pjetri dhe Gjoni shkuan në tempull dhe takuan tek porta një burrë të çalë. Ky njeri u shërue në emër të Jezusit. Duke përfituar nga turma e shikuesve të mahnitur, Pjetri bëri një predikim. Me disa fjali Pjetri përshkroi Ungjillin. Lexoni Veprat e Apostujve 3:12-20.

Jezusi është Perëndi: Veprat e Apostujve 3:14

Pjetri e quajti Jezusin "Të Shenjtin, të Drejtin". Ai po thoshte se Jezusi është Perëndi. Kjo ishte diçka që hebrenjtë nuk do ta pranonin dhe ata e treguan shumë herë zemërimin e tyre për këtë fakt. A e pranon se Jezusi është Perëndi? Provat kryesore janë Shkrimet dhe jetët e ndryshuara.

Ai vdiq për ty: Veprat e Apostujve 3:15

Ai që ishte Autori i jetës vdiq. Ai pranoi vuajtjet dhe vdekjen për ne mëkatarët. Ai vdiq në vendin tonë duke marrë ndëshkimin tonë. Vetëm Biri i përsosur i Perëndisë mund ta bënte këtë. A e ke kuptuar se çfarë ka bërë Zoti Jezus për ty?

Ai u ringjall: Veprat e Apostujve 3:15

Ky është një fakt tjetër i historisë që hebrenjtë nuk e besuan. Ata kishin një histori të sajuar që filloi pikërisht që në mëngjesin e ringjalljes (Mateu 28:11-15). A beson në ringjalljen? Jezusi u pa nga të paktën njëmbëdhjetë grupe të ndryshme njerëzish. Me Perëndinë çdo gjë është e mundur!

Ti duhet të pendohesh: Veprat e Apostujve 3:19

Ky është një tekst i njohur por a ka ndikuar në jetën tënde? “Pendohu” do të thotë që të urresh mëkatën dhe të kthehesh drejt Perëndisë. A të vjen aq keq sa të ndalosh së mëkatuari kundër Perëndisë?

Ti duhet të besosh: Veprat e Apostujve : 3:16

Besimi nuk duhet të jetë vetëm në kokën tënde, por në zemrën tënde gjithashtu, që të besosh vërtetë në Zotin Jezus. Xhon Paton, një misionar skocez në Ishujt Hibride, po kërkonte për një mënyrë për të shpjeguar saktësisht se çfarë ishte besimi. Një ditë ai u kthye nga një ditë pune e lodhshme dhe u lëshua në një karrige të rehatshme. Nuk e kontrolloi karrigen nëse mund ta mbante. Ai e kuptoi se kjo ishte një pamje e besimit në Zotin Jezus – duke besuar plotësisht, duke e lëshuar veten tek mëshira e Tij pa pyetje ose dyshim.

Përgjigjet ndaj Ungjillit

Ky është mesazhi që Pjetri dhe Pali predikuan në një shumëlojshmëri të gjerë audiencash në shumë qytete. A e besuan njerëzit mesazhin e tyre? Le të shikojmë se si iu përgjigjën mesazhit të ungjillit grupe dhe individë të ndryshëm, duke filluar me turmën që dëgjoi Pjetrin në Jeruzalem.

Veprat e Apostujve 4: Në Jeruzalem

Ne lexojmë tek Veprat e Apostujve 4:1-3 që Pjetri dhe Gjoni u arrestuan. Udhëheqësit hebrenj nuk e pëlqyen mesazhin, veçanërisht faktin që Jezusi ishte ringjallur. Ata nuk donin që njerëzit ta dëgjonin këtë, kështu që e çuan Pjetrin dhe Gjonin në burg. Shumë vonë! Lexo Veprat e Apostujve 4:4. Numri i besimtarëve u rrit deri në rreth 5,000.

Ditën tjetër Pjetri dhe Gjoni u pyetën nga drejtuesit hebrenj. Pjetri u përgjigj duke dëshmuar për Krishtin. Ata ishin të

mahnitur prej guximit të tyre dhe se sa mirë mund të flisnin ata, por cila ishte përgjigja e udhëheqësve hebrenj? Ata i urdhëruan Pjetrin dhe Gjonin që të mos flisnin ose të mësonin Ungjillin. (Veprat 4:18). Udhëheqësit hebrenj u përpoqën që t’i bënë të heshtnin ambasadorët e Krishtit dhe si pasojë po përpiqeshin të bënin të heshtte zërin e Perëndisë. Ata nuk e pëlqenin mesazhin sepse do të prekte popullaritetin e tyre.

A je përpjekur ndonjëherë ta bësh të heshtë zërin e Tij? Ndoshta Perëndia të ka folur nëpërmjet asaj që ke dëgjuar këtë vit, por ti je përpjekur ta heqësh nga mendja Perëndinë. Sot duket se jemi gjithmonë të zënë duke bërë diçka. A mund të jetë e gjitha kjo një përpjekje e hollë e Satanit për të na shkurtuar kohën tonë që të mos mendojmë për çështje të rëndësishme? Mos u dorëzo tek Satani duke u përpjekur që të bllokosh Perëndinë. A heshtën Pjetri dhe Gjoni? Jo! Ata thanë se duhet të vazhdonin dhe kështu bënë.

Veprat e Apostujve 14: Në Ikon

Këtu kemi takuar Palin dhe Barnabën të cilët sapo kishin mbërritur në Ikon për të predikuar ungjillin e Zotit tonë Jezus Krisht. Ata u përpallën me një reagim të përzier. Në fillimi ata shkuan në sinagogë për të predikuar me ndihmën e Zotit. Çfarë ndodhi? Shihni Veprat e Apostujve 14:1 – një numër i madh hebrenjsh dhe johebrenjsh besuan. Një johebre është kushdo që nuk ka lindur hebre.

Jo të gjithë gëzoheshin për këtë. Hebrenjtë që nuk besonin shkaktuan një kryengritje kundër Palit dhe Barnabës. Disa njerëz u vunë në anën e Palit dhe Barnabës dhe të tjerët i kundërshtonin ata. Tek Veprat e Apostujve 14:5 ne shohim se disa nga hebrenjtë dhe johebrenjtë që nuk besuan, planifikuan që të vrisnin me gurë Palin dhe Barnabën. Përgjigja e disa njerëzve ndaj Ungjillit ishte haptazi armiqësore dhe e dhunshme. Kështu që kemi

dy turma njerëzish. Njëra përbëhej nga hebrenj dhe johebrej që besonin në Zoti Jezus Krisht dhe që e kishin lënë prapa rrugën e tyre të vjetër. Turma tjetër ishte kundër Krishti dhe përpiquej të ndikonte këdo tjetër që të bënte të njëjtën gjë.

Si reagon ndaj Ungjillit? Në cilën rrugë shkon? Ndoshta është më e thjeshtë të jesh me turmën që është kundër mesazhit të Biblës sepse është më e madhe dhe ka popullaritet. Por çfarë do t'u ndodhë atyre në fund të jetës së tyre? Fjalët e Urta 16:25 na kujtojnë se ka një rrugë që na duket e drejtë por fundi i saj është vdekje, d.m.th. ndarje prej Perëndisë përgjithmonë. A nuk do të vish e të ndjekësh rrugën e Krishtit? Nëse do ta bësh këtë do të kesh falje dhe një ditë do të kesh një shtëpi në Qiell. Është një turmë e vogël por është e vetmja rrugë.

NDARJA E MËSIMIT

Metoda: Studim në grup

The image shows two copies of a worksheet titled "Cilën Rrugë?". The top copy has a table with columns for "Emri" (Name) and "Përgjigja" (Answer). Below the table, there are four rows with dates: "Ditë 16-17-18", "Ditë 19-20-21", "Ditë 22-23-24", and "Ditë 25-26-27". A circular sticker on the bottom copy says "Materiali 19".

Fotokopjoni materialin 19 për të gjithë adoleshentët. Ndajini ata në grupe të vogla me tre ose katër persona me një udhëheqës për secilin grup. Ata do të nxjerrin disa përgjigje të tjera ndaj Ungjillit

nga referencat biblike që janë në fletën e punës. Vargu është dhënë dhe ata duhet të gjejnë emrin e personit të përfshirë dhe të përmbledhin përgjigjen e tij me pak fjalë. Ndërsa grupet raportojnë, komentoni duke përdorur shënimet më poshtë dhe rreshtin e fundit të Vizualit 21.

Veprat e Apostujve 16:11-14: Lidia

Pali e takoi Lidian në udhëtimin e tij të dytë misionar. Pali dhe Sila sapo kishin mbërritur në Filipi. Kishte pak hebrenj në Filipi, sepse ishte një koloni romake, kështu që të

shtunën ata shkuan në vendin ku hebrenjtë mbledheshin bashkë për lutje – në bregun e një lumi. Gratë që ishin atje besonin në Perëndinë por nuk kishin dëgjuar për Zotin Jezus. Ndërsa Pali u predikonte, Ungjilli i foli zemrës së Lidias dhe ajo iu përgjigj mesazhit të shpëtimit. Ajo u kthye tek Krishti. Ajo dëgjoi në mënyrën e duhur dhe ndoqi Krishtin. Nëse Perëndia të flet dhe ti e di se duhet të pendohesh dhe të besosh siç bëri Lidia, atëherë bëj diçka për këtë.

Veprat e Apostujve 24:22-27: Feliksi

Në fund të udhëtimit të tij të tretë misionar Pali predikoi në Jeruzalem ku ishte i arrestuar dhe iu dha rasti që të mbronte mësimin e tij. Por, kishte një komplot për ta vrarë atë dhe komandanti i ushtrisë romake dëgjoi për këtë dhe e dërgoi atë natën tek guvernatori Feliks në Cezarea nën mbrojtjen e dyqind ushtarëve. Kush thotë se Bibla nuk është interesante? Feliksi dëgjoi akuzat e kryeprefitit Anania kundër Palit. Pastaj Pali dha shpjegimin e tij se si kishin ndodhur ngjarjet dhe i foli Feliksit për Zotin. Feliksi e dëgjoi atë disa herë – pjesërisht me sa duket nga një interes i vërtetë – dhe sepse ai mendonte se Pali do t'i jepte një ryshfet. Një ditë Pali foli për drejtësinë dhe gjykimin që do të vijë, Feliksit i hyri frika, ndoshta sepse po mendonte për të kaluarën e tij. Pastaj përgjigja e tij ishte me disa nga fjalët më të trishtuara në Shkrim. Ai ishte një njeri që e njihnte rrugën e drejtë (Veprat e Apostujve 24:22), por tek Veprat e Apostujve 24:25 ai tha, "Për tani shko, dhe kur të kem rast, do të dërgoj të të thërrasin." Ai në të vërtetë po i thoshte mesazhit të shpëtimit, "Jo tani." Mos u bëj si Feliksi dhe ta shtysh për më vonë ndjekjen e Krishtit. Kjo është një nga armët më të holla të Satanit – "Besoji Perëndisë kur të jesh më i madh – në fillim kënaqu." Por, bëhu si Timoteu që u shpëtua që kur ishte i ri, ose Roda që ishte besimtare ndoshta që kur kishte qenë adoleshente.

Veprat e Apostujve 26:24-25: Festi

Pas dy vjetësh Feliksi u zëvendësua nga guvernatori Fest. Festi nuk ishte i sigurt se si duhet të merrej me këtë të burgosur të quajtur Pal. U bë një përsëritje e gjyqit por Festi nuk shihte ndonjë gabim tek Pali. Në Cezarea mbërriti mbreti Agripa. Ata diskutuan çështjen e Palit dhe të dy e dëgjuan atë. Pali dha dëshminë e Tij dhe shpjegoi Ungjillin. Festi e ndërpreu Palin, (Veprat 26:24) duke i thënë se studimi i tepërt e kishte tërbuar. “Ti je i çmendur,” ishte përgjigja e tij. Deri tani ai nuk kishte parë asnjë të keqe tek Pali dhe mesazhi, por papritur ai ndryshoi. Përsëri Satani e kishte verbuar atë që mos shihte rrugën e drejtë. Ndoshta si Festi edhe ti e kundërshton shumë Ungjillin. Pse e kundërshton kaq shumë Ungjillin? Nëse qëndron ashtu Satani është i gëzuar sepse të ka verbuar mendjen që të mos shohësh rrugën e drejtë. Mos e lër Satanin të të mbajë në rrugën e gabuar.

Veprat e Apostujve 26:26-29: Agripa

Mbreti Agripa tek Veprat e Apostujve 26:28 tha se nuk ishte i bindur. Ndoshta kishte një justifikim për mbretin Agripa . Shiko vargun 28 përsëri. Edhe pse e dinte se çfarë kishin shkruar profetët, Ungjilli ishte diçka e re për të, por është e trishtueshme që ai nuk kishte dëshirë të dëgjonte më shumë. Përgjigja e tij ishte “Shumë e re”. Ungjilli nuk është diçka e re për ju apo jo? I dini kaq mirë të vërtetat e Ungjillit por ende disa prej jush nuk janë të bindur. Mos lufto kundër asaj që e di se është e drejta por prano Krishtin.

Në cilën rrugë do të shkosh?

(Tregoni Vizualin 22). Këta njerëz që kemi parë ishin drejtuar në një rrugë ose në tjetrën. Udhëheqësit hebrej, disa nga hebrejtë dhe johebrejtë, Feliksi, Festi dhe mbreti Agripa fatkeqësisht ishin drejtuar në rrugën e gabuar – në vdekje dhe ndarje



prej Krishtit. Ndoshta mund t’i kenë besuar Krishtit më vonë – nuk – e dimë. Nëse nuk i ke besuar Krishtit edhe ti je duke udhëtuar në rrugën e gabuar. Ndoshta do të kesh një mundësi tjetër për

të pranuar Krishtin por kjo është diçka që askush nuk ta garanton.

Disa hebrej dhe johebrej të tjerë dhe Lidia po shkonin në rrugën e duhur – në Qiell, nëpërmjet besimit vetëm tek Krishti. Ti mund të bashkohesh me ta në atë rrugë dhe të kesh gëzimin e faljes së mëkateve, paqen me Perëndinë dhe qëllim në jetë. Gjithashtu do të gësh gëzimet e jetës së krishterë dhe një ditë do të jesh me Zotin Jezus Krisht në Qiell.

Në cilën rrugë do të shkosh? Nëse do të shkruaje emrin tënd në një rrugë prej këtyre hapësirave bosh, në cilën anë do ta shkruaje? Në cilën rrugë do të shkosh? Perëndia le të të flasë dhe të dhëntë hir për t’u përgjigjur dhe për të ndjekur rrugën e drejtë.

Metoda: Pyetësor

Fotokopjoni manualin 20 për të gjithë adoleshentët. Ata mund ta plotësojnë atë gjatë programit ose më vonë në shtëpi. Do t’i ndihmojë që të përsërisin mësimin dhe të mësojnë përmendësh pikat kryesore. ●







PËRGJIGJET E MATERIALIT 20

Fjalët: vdiq; Ai; u ringjall; Jezusi; për; Perëndi; Ai; duhet; ti; është; ty; të pendolesh; duhet; ti; të besosh. **Fjalitë:** Jezusi është Perëndi; Ai vdiq për ty; Ai u ringjall; ti duhet të pendolesh; ti duhet të besosh.

Besoji Perëndisë gjatë Rrugës

Synimet: Ne duam që adoleshentët:

-  të mendojnë për vështirësitë që mund të hasin në udhëtimin e jetës.
-  të kuptojnë që Perëndia mund t'i ndihmojë ata, t'i udhëheq ata dhe t'i sjellë ata në destinacionin e tyre përfundimtar.
-  të varen tërësisht tek Perëndia dhe të kërkojnë udhëheqjen e Tij.
-  të ndalojnë së enduri në jetë dhe t'i nënshtrohen Perëndisë.

Hyrje: Sinjalet e trafikut

Ndërsa ne udhëtojmë shikojmë shumë sinjale trafiku në anë të rrugës. Disa na paralajmërojnë për rrezikun në rrugë. (Tregoni sinjalet që janë në CD). Në jetë ne mund të përballemi gjithashtu me vështirësi të ndryshme. Shiko sinjalet e mëposhtme paralajmëruese dhe trego se për çfarë vështirësish të jetës të bëjnë të mendosh.



- ♦ **Kryqëzimet:** Të duhet të marrësh vendime të mëdha për të ardhmen dhe nuk di se cilën rrugë të zgjedhësh.
- ♦ **Rënie gurësh:** Nuk i kalon provimet kryesore dhe nuk mund të vazhdosh në drejtimin që ti dëshiron.
- ♦ **Kthesë e dyfishtë:** Bën ndryshime të vështira si ndryshim i punës ose ndryshimi i shtëpisë.
- ♦ **Erë e fortë anësore:** Disa njerëz kanë një ndikim të keq mbi ty dhe përpiqen që të të nxjerrin nga rruga.
- ♦ **Ngushtim i rrugës:** Ti humb disa prej shokëve të tu dhe ndihesh vetëm.
- ♦ **Kafshë të egra:** Dikush të dëmton

papritur dhe ndihesh i lënduar.

- ♦ **Rrugë e rrëshqitshme:** Bie në dashuri me dikë por nuk funksionon.
- ♦ **E tatëpjetë e rrezikshme:** Ke probleme me shëndetin dhe shqetësohesh për këtë.



(Trego Vizualin 23 në mënyrë progresive ndërsa përparon me mësimin). Nëse zgjedh rrugën e Perëndisë, kjo është rruga më e mirë, por mos mendo se është një rrugë e lehtë. Perëndia nuk

ka premtuar kurrë një udhëtim të lehtë, por është tërësisht e kundërta! Jezusi i tha dishepujve të Tij se do të kishin probleme në këtë botë (Gjoni 16:33). Jeta e krishterë nuk është e lehtë. Satani, kundërshtari, do të të sulmojë dhe do të përpiqet të të nxjerrë nga rruga. Por Bibla na mëson disa të vërteta të mrekullueshme që mund të të ndihmojnë sa herë has në vështirësi përgjatë rrugës.

Perëndia ka një plan për fëmijët e Tij

Ne nuk e dimë se çfarë mund të ndodhë nesër. Ne bëjmë plane por nuk e dimë nëse ndonjëri nga ata do të realizohet. Mund të jesh në ankth kur mendon për studimet e tua, punën në të ardhmen, familjen, shëndetin, etj.

Por mendimet e rrugët e Perëndisë janë shumë më të larta se tonat (Isaia 55:8-9). Kujto historinë e Biblës. Perëndia kishte një plan për të çliruar popullin e Tij nga skllavëria në Egjipt. Pastaj Ai kishte një plan për të sjellë në Izrael popullin e Tij të mërguar në Babiloni. Ai gjithashtu kishte një plan për të shpëtuar njerëzit nga mëkati.

Efesianëve 3:11 thotë se Ai përmbushi “qëllimin e Tij të përjetshëm” në Krishtin Jezus. A e di që Perëndia ka gjithashtu një plan sot për secilin prej fëmijëve të Tij? Sipas Efesianëve 2:10, Ai i përgatiti që më parë veprat e mira që ne t’i praktikojmë. A nuk është kjo e mahnitshme dhe bindëse?

Kjo e vërtetë duhet të të inkurajojë ty që të mos shqetësohesh për të nesërmen, por të kërkosht Perëndinë dhe të varesht tek Ai (Mateu 6:33-34). Ai e di se çfarë është më e mira për ty. Mos ji në ankth për atë që mund të ndodhë. Kujto që Perëndia ka një plan të përsosur për jetën tënde.

Perëndia udhëheq në drejtimin e duhur

A do të shkoje në një qytet të madh pa udhëheqës, pa hartë, pa tabela, pa dikë që të të tregojë rrugën? Do të humbisje rrugën! Shumë njerëz e humbasin rrugën në jetë. Por të krishterët kanë një Udhëheqës të mrekullueshëm i cili jo vetëm që e di rrugën por gjithashtu u tregon atyre se nga të shkojnë. Sipas Psalmi 48:14, Perëndia është udhëheqësi ynë. Shumë vargje në Shkrim premtojnë se Perëndia do t’ua bëjë të njohur planin e Tij popullit të Tij që ata të ecin në drejtimin e duhur.

Metoda: Fjalë të përziera

Para takimit, shkruani në tabelë ose në një poster ose në projektor vargjet e mëposhtme. Shfaqini ata në këtë fazë të mësimit dhe kërkojini adoleshentëve të dallojnë fjalët e përziera.

Psalmi 32:8 – “Unë do të të ojeukd dhe do të të jsomë rrugën, nëpër të cilën duhet të ecësh; unë do të të llojshikë dhe do ta mbaj syrin tim mbi ty.”

Isaia 58:11 – “itoZ do të të udhëheqë dvamzhitshi ...”

Psalmi 25:9 – “Ai do të udhëheqë njerëzit zemërbutë në retjisëd dhe do t’u jëomsë të

përrulurve rrugën e Tij.”

Fjalët e Urta 3:5-6 – “Ki besim tek Zoti me gjithë zemër dhe mos u mbështet në migjnyki tënd, perajon në të gjitha rrugët e tua dhe Ai do të etërjojë shtigjet e tua.”

Perëndia të ka dhënë ty një mendje dhe dëshiron që ti ta përdorësh atë, por ki kujdes që të mos mbështetesh tek ajo. Duhet t’ia dorëzosh të gjitha projektet e tua Perëndisë (Jakobi 4:13-16). Këto mund të realizohen vetëm kur janë në përputhje me qëllimin e Tij (Fjalët e Urta 19:21). Kërkoji Atij që të ta zbulojë vullnetin e Tij të përsosur.

Perëndia përdor shumë mënyra të ndryshme për të na udhëhequr. Ai e bën këtë nëpërmjet Fjalës së Tij, nëpërmjet Frymës së Tij që jeton në ne, nëpërmjet të krishterëve të tjerë, etj. Prandaj mund ta kërkosht udhëheqjen e Tij në leximin e Shkrimeve, në lutje dhe duke dëgjuar këshillën e besimtarëve më të pjekur.


Perëndia i lejon dhe punon nëpërmjet vështirësive

Në hyrje ne po mendonim për vështirësitë e shumta që mund të shfaqen në rrugën e jetës – nuk kalon një provim kryesor, humb një shok të ngushtë, ke probleme me shëndetin, etj. Kur përballemi me këto rrethana të vështira, mendojmë se përse i lejoi Perëndia që të ndodhin. Madje edhe mund të fillojmë të dyshojmë nëse Perëndia është në kontroll të jetëve tona.

Duhet të mbajmë mend se Perëndia është pafundësisht i mençur dhe i gjithëpushtetshëm. Shkrimet shpesh i lidhin bashkë këto dy karakteristika të Perëndisë (Jobi 9:4, Jobi 12:13, Jobi 36:5; Danieli 2:20). Perëndia e di me përsosmëri se çfarë është më e mira dhe Ai ka fuqi që ta bëjë atë. Ne mund të mos e kuptojmë pse lejon Ai që ne të vuajmë, por Ai e di dhe ka kontroll të plotë (Vajtmet 3:37-38). Besoji Atij!

Bibla mëson se një arsye pse Perëndia lejon vështirësitë është që ne të rritemi. Nëpërmjet sprovave ne mësojmë këmbënguljen dhe bëhemi më të pjekur. Duhet të jemi falënderues për këtë (Jakobi 1:2-4). Ashtu siç thamë në mësimin mbi frytin e Frymës, Perëndia punon në jetët tona dhe na bën pak nga pak të ngjashëm me Birin e Tij (Romakëve 8:29). Prandaj vazhdo t'i besosh Perëndisë, mbështetu në ndihmën e Tij dhe lejoje Atë që të të formojë.

Metoda: Jeta e Jozefit




Fotokopjoni materialin 23 për të gjithë adoleshentët. Ndajmi ata në grupe me katër ose pesë persona. Ata duhet të vendosin ngjarjet jetës së Jozefit në radhën e duhur duke vizatuar shigjeta nga njëri

rrreth tek një tjetër. Pastaj ata do të diskutojnë pyetjet. Pas pak minutash, mblihdhini bashkë adoleshentët dhe ata të raportojnë.



PËRGJIGJET E MATERIALIT 23



Perëndia premtan se do të na çojë në destinacionin tonë të fundit



(Tregoni Vizualin 24). Vështirësitë që hasim sot janë shumë të vogla në krahasim me lavdinë që na pret (2 Korintasve 4:17). Perëndia do të na çojë në destinacionin tonë të fundit. Ai do të na

marrë në lavdinë e Tij (Psalmi 73:24). Atë ditë do të jemi me Të, të rrethuar nga lavdia e Tij përgjithmonë (1 Thesalonikasve 4:17).

Ne mezi i presim gëzimet e Qiellit. Nuk do të ketë më vështirësi, as vajtime, as të qara, as vdekje (Zbulesa 21:4). Perëndia do të përfundojë punën e Tij në jetët tona dhe ne do të shkëlqejmë në mbretërinë e Tij përgjithmonë (Filipianëve 3:21, Mateu 13:43).

Të gjitha të vërtetat që kemi parë në këtë mësim duhet të të inkurajojnë ty që t'i besosh plotësisht Atij! Lëre Perëndinë të kujdeset për ty, lëre Atë të të udhëheqë por gjithashtu edhe të të formojë dhe të të çojë në destinacionin tënd përfundimtar – lavdi e përjetshme në praninë e Tij.


NDARJA E MËSIMIT

Metoda: Loja e përsëritjes në tabelë

Kjo lojë jep mundësinë e përsëritjes së të gjitha mësimëve të manualit.

- Bëni skuadra me nga dy lojtarë. Nëse dikush ka munguar në ndonjë takim, ai ose ajo do të duhet të qëndrojë me dikë që ka marrë pjesë rregullisht.
- Katër skuadra mund të luajnë në të njëjtën tabelë me një gjyqtar. Siguroni katër gurë loje, një zar, materialet 21 dhe 22, dhe një listë me pyetje dhe përgjigje për gjyqtarin.
- Njëri pas tjetrit skuadrat hedhin zarin dhe lëvizin gurin e tyre në tabelë.

- Nëse ata qëndrojnë në një rreth bosh, nuk ndodh asgjë. Nëse qëndrojnë në një numër (p.sh. 4) gjyqtari do t'i bëjë skuadrës një pyetje për të përsëritur mësimin 4.
- Kur skuadra jep një përgjigje të saktë, ata qëndrojnë aty ku janë. Kur ata japin një përgjigje të gabuar ata duhet të kthehen gjashtë rrethë prapa.
- Kur një gurë qëndron në një rreth ku është një gurë tjetër, ata duhet të shkojnë në rrethin tjetër përpara.
- Nëse një skuadër qëndron mbi 6 por janë bërë të gjitha pyetjet e mësimin gjashtë, nuk ndodh asgjë. Ata nuk duhet ti përgjigjen ndonjë pyetjeje dhe qëndrojnë ku janë.
- Në pjesën e fundit të lojës ka disa rrethë me "P". Nëse një skuadër qëndron në njërin prej tyre, gjyqtari do të bëjë çfarëdo pyetje që nuk është përdorur ende. Ai duhet t'u tregojë atyre se për cilin mësim bëhet fjalë para se ta bëj pyetjen.



Pyetje dhe përgjigje

1. Nga e dimë se ka një Perëndi? Kemi folur për pesë provat, jepni të paktën tre. Përgjigje të mundshme: Krijimi, Ndërgjegjja, Bibla, Jezusi, Të Krishterët.

1. Pse është krijimi një provë e ekzistencës së Perëndisë? Përgjigje: Ne shohim bukurinë

e botës dhe projektimin e mahnitshëm dhe kuptojmë se kjo nuk mund të vijë rastësisht.

1. Cilat janë karakteristikat e Perëndisë? Kemi parë dhjetë. Jepni të paktën gjashtë prej tyre. Përgjigje të mundshme: I përjetshëm, plotfuqishëm, krijues, i gjithëdijsëm, i shenjtë, i drejtë, zemërimi, dashuria, mëshira, hiri

2. Çfarë na pengon ne që të njohim Perëndinë? Shpjegoni pse. Përgjigje: Mëkati. Perëndia është i shenjtë dhe mëkati na ndan prej Tij.

2. Çfarë është një idhull? Jepni shembuj të idhujve që mund të kemi në jetët tona. Përgjigje: Një idhull është çdo gjë që zë vendin e Perëndisë. Mund të jenë yjet e popit, personalitete të sportit, një skuadër futbollit, të merresh me sport, një person, një grup shokësh, kompjuteri, televizori, ose madje edhe detyrat e shkollës.

2. Cilat janë bekimet kur njeh Perëndinë? Kemi folur për katër bekime. Jepni të paktën tre. Përgjigje të mundshme: Falja për mëkatin, paqe që zgjat, qëllim për jetën, fuqi për të fituar, privilegji i Qiellit.

3. Me çfarë e krahasuam shpëtimin në mësimin 3? Shpjegoni ilustrimin. Përgjigje: Me një urë të madhe e cila është e vetmja mënyrë për të kaluar kanionin e vdekjes.

3. Kush është Jezusi dhe çfarë bëri Ai për ne? Jepni një varg biblik për të mbështetur përgjigjen tuaj. Përgjigja: Ai është Biri i Perëndisë i Cili erdhi për të marrë ndëshkimin tonë. Përgjigje të mundshme: Filipianëve 2:6-8, 1 Pjetrit 3:18, etj.

3. Cilat janë dy gjëra që duhet të bëjmë në mënyrë që të shpëtohem prej Perëndisë? Përgjigjet: Të pendohemi dhe të besojmë në Krishtin për shpëtim.

4. Çfarë bëri Xhimi për shokun e tij Zakun? Jepni vetëm një përmbledhje të historisë. Përgjigje: Zaku ishte fajtor për vjedhje. Xhimi

vendosi të paguante dënimin. Gjykatësi deklaroi se Zaku nuk ishte më nën dënim.

4. Çfarë ndodh kur Perëndia na shfajëson? Ai bën dy gjëra. Përgjigje: Perëndia na fal dhe drejtësia e Krishtit na numërohet neve. Kështu ne nuk jemi më nën dënim dhe kemi një qëndrim të drejtë para Perëndisë.

4. Si u bë i mundur shfajësimi? Thamë se jemi shfajësuar nga ... jepni të paktën dy përgjigje. Përgjigje të mundshme: Nga Perëndia, nëpërmjet drejtësisë së Krishtit, me besim shpëtues.

5. Kur dhe ku duhet ta kemi kohën tonë të qetë? Përgjigje: Është mirë që të jetë në mëngjes sepse do të thotë se mund të kalosh kohë me Perëndinë para se të fillojnë aktivitetet e ditës. Bëje diku ku mund të jesh vetëm dhe larg gjërave që të tërheqin vëmendjen.

5. Si të lexoni Fjalën e Perëndisë çdo ditë? Jepni të paktën tre këshilla nga katër që kemi parë. Përgjigje: Lutur dhe kërkoji Perëndisë të të flasë, lexo vetëm disa vargje, mendo me kujdes rreth asaj që ke lexuar, ji i bindur ndaj asaj që të mëson Perëndia.

5. Cilat janë katër aspektet e lutjes? Përgjigje: Adhurim, rrëfim, falenderim, kërkesë.

6. Ku mësojmë në Bibël për frytin e Frymës? Thoni të paktën librin dhe kapitullin. Përgjigje: Galatasve 5:22-23.

6. Cilat janë aspektet e frytit të Frymës? Jepni të paktën pesë nga nëntë. Përgjigje: Dashuria, gëzimi, paqja, durimi, mirëdashja (butësia), mirësia, besimi (besnikëria), zemërbutësia, vetëkontrolli.

6. Pse flet apostulli Pal për “frytin” e Frymës dhe jo për “frytet”? Përgjigjet: Të gjitha këto cilësi duhet të zhvillohen në jetët tona.

7. Jepni pesë shembuj autoritetesh që ekzistojnë në ditët e sotme. Kush është autoriteti suprem dhe pse? Përgjigje të

mundshme: Perëndia, policët, mësuesit, qeveritarët, punëdhënësit – Ai është Krijuesi.

7. Si duhet të jetë qëndrimi ynë kundrejt autoritetit? Shpjegoni pse. Përgjigje: Ne duhet të nënshtrohemi duke e ditur se Perëndia i ka vendosur ata për të mirën tonë.

7. A ka rrethana në të cilat ne nuk duhet t'i bindemi autoritetit? Përgjigje: Është e drejtë që të mos i bindesh autoriteteve vetëm në rastin kur ata po na urdhërojnë qartë që të bëjmë diçka që Perëndia e ndalon ose kur na ndalojnë të bëjmë diçka të cilën Perëndia e urdhëron ta bëjmë

8. Cili është qëndrimi i botës ndaj zotërimeve? Përshkruani rrethin vicioz në të cilin janë zënë shumë njerëz. Përgjigjet: Unë nuk jam i kënaqur! Unë e dëshiroj atë! Unë kam nevojë për të! Unë e blej atë! Unë jam i kënaqur për pak kohë! Ndryshon moda! Unë nuk jam i kënaqur!

8. Cili është rreziku i të qenit i kapur nga materializmi? Përgjigje: Të jetosh për para dhe zotërimi në vend që të jetosh për Perëndinë. Mos i lini zotërimet të zënë vendin e Perëndisë në jetën tuaj!

8. Çfarë qëndrimi duhet të kenë të krishterët kundrejt zotërimeve? Përgjigje: Të jenë të kënaqur dhe bujarë duke e ditur që Perëndia kujdeset për nevojat e tyre dhe u jep edhe më shumë që ata të kontribuojnë në punën e Perëndisë.

9. Me çfarë çështjesh morale mund të përballemi ne në jetë? Jepni tre shembuj. Përgjigje të mundshme: A mund të eci me motoçikletën time vetëm pak më shumë se shpejtësia e lejuar? A është në rregull nëse bëj pazar të dielave? A mund të them një “gjysmë të vërtetë” për të dalë nga telashet? A është e pranueshme veshja e një fundi të shkurtër? A mund të jetoj me dikë para se të martohem?

9. Si e vendos bota se çfarë është e drejtë dhe çfarë është e gabuar? Përgjigje: Ata dëgjojnë

të tjerët dhe median. Ata ndjehen të lirë të vendosin se çfarë duhet bërë dhe çfarë nuk duhet bërë sipas ndjenjave të tyre.

9. Si mund ta kuptojnë të krishterët se cila sjellje morale është e drejtë dhe cila është e gabuar? Jepni një shembull. Përgjigje: Fjala e Perëndisë është baza e moralit. Për shembull, unë vendos të mos gënjej, edhe kur jam në telashe, sepse Bibla thotë se Perëndia e urren gjuhën gënjeshtare (Fjalët e Urta 6:16-17).

10. Pse thotë Bibla që ne shfrytëzojmë kohën? Përgjigje: Jeta është e shkurtër dhe ne duhet të bëjmë më të mirën për të përdorur kohën tonë për të kërkuar Zotin dhe për t'i shërbyer Atij.

10. Pse është e rëndësishme që t'i besojmë Perëndisë sot dhe të mos e shtyjmë për më vonë? Përgjigje: Ne nuk e dimë se çfarë do të na ndodhë nesër. Ne mund të vdesim ose Zoti mund të kthehet. Ne duhet të jemi gati për t'u përballur me Të.

10. Si mund ta përdorim kohën tonë për t'i shërbyer Zotit? Jepni tre shembuj shërbimi. Përgjigje të mundshme: Duke i dëshmuar shokëve tanë, duke marrë pjesë në ungjillizim, duke i dhënë mësim fëmijëve në një klub, etj.

11. Cilat janë të vërtetat bazë të ungjillit që i paraqiti Pjetri turmës tek Veprat e Apostujve 3? Përgjigje: Jezusi është Perëndi, Ai vdiq për ty, Ai u ringjall, ti duhet të pendohesh, ti duhet të besosh.

11. Jepni emrin e një personi që mohoi Ungjillin në Librin e Veprave të Apostujve? Përgjigje të mundshme: Feliksi, Festi, Mbreti Agripa.

11. Jepni emrin e një personi i cili u përgjigj pozitivisht ndaj Ungjillit në Librin e Veprave të Apostujve? Përgjigje të mundshme: Lidia.

12. Si mund të kërkojmë drejtim për jetët tona? Jepni tre sugjerime. Përgjigjet: Duke lexuar Shkrimin, duke u lutur për drejtim dhe duke dëgjuar këshillën e besimtarëve të pjekur.

12. Sa herë që përballemi me rrethana të vështira, çfarë duhet të mbajmë mend dhe cili duhet të jetë qëndrimi ynë? Përgjigje të mundshme: Perëndia ka një plan për fëmijët e Tij. Ai është pafundësisht i mençur dhe i gjithëpushtetshëm. Ai i lejon vështirësitë që ne të rritemi, ose për arsye të tjera të cilat ne nuk i kuptojmë. Ne duhet të vazhdojmë t'i besojmë Atij.

12. Çfarë do të përjetojnë të krishterët kur të arrijnë destinacionin e tyre përfundimtar? Përgjigje të mundshme: Ata do të jenë me Zotin. Nuk do të ketë më vështirësi as vajtime, as të qara, as vdekje. Perëndia do të përfundojë punën e Tij në jetët e tyre dhe ata do të shndrisin në mbretërinë e Tij përgjithmonë. ●

Vizuale

Shtojca

1

Rruga për tek Perëndia

- Perëndia i Vërtetë
- Pengesat dhe Bekimet
- Ura e Shpëtimit
- Shfajësimi


Rruga e PERËNDISË

Duke jetuar sipas Rrugës së Perëndisë

- Koha e Qetë • Fryti i Frymës
- Autoriteti • Zotërimet
- Morali • Koha

Nxitja Përfundimtare

- Zgjidh Rrugën e Perëndisë
- Besoji Perëndisë



Nga e dimë ne që ka një Perëndi?

Krijimi

Ndërgjegjja

Bibla

Jezusi

Të krishterët



Si është **Perëndia** ?



Trinitet: Mateu 3:16-17

Një Perëndi: Ligji i Përtërirë 6:4

Frymë: Gjoni 4:24

Karakteristikat e **Perëndisë**


Vargu	Karakteristika
Psalmi 90:2	I Përjetshëm
Zanafilla 17:1	I Plotfuqishëm
Zanafilla 1:1	Krijues
Psalmi 139:2-4	I Gjithëdijshtëm
Zbulesa 15:4	I Shenjtë
Isaia 45:21b	I Drejtë
Romakëve 1:18	Zemërimi
1 Gjonit 4:8	Dashuria
Psalmi 103:8	Mëshira
Efesianëve 1:7	Hiri

Materiale për shpërndarje

Shtojca



Përshëndetje! Unë jam me pushime.
Ditën e parë ishte një mot i
tmerrshëm me stuhi dhe erë të fortë.
Por tani ka diell dhe ne mund të
shkojmë e të vizitojmë shumë vende.
Do të doja që ti të ishe këtu! Meqë
ra fjala, jam i habitur që ti beson se
ka një Perëndi! Unë nuk mund të
besoj tek dikush që nuk e shoh. Nuk
mendoj se ka Perëndi. Do të shihemi
pas tre javësh kur të kthehem!




Shoku im _____

Tiranë _____

Shqipëri _____

**PËRSHËNDETJE, GËZOHEM QË PO IA
KALON MIRË. MË THE SE NUK BESON
SE KA NJË PERËNDI. UNË BESOJ SE
KA NJË PERËNDI SEPSE...**



SHOKU IM _____

VLORË _____

SHQIPËRI _____

Karakteristikat e Perëndisë



Shiko të gjitha vargjet dhe shkruaj karakteristikat e Perëndisë në vendin bosh.

Vargu	Karakteristika
Psalmi 90:2	
Zanaqilla 17:1	
Zanaqilla 1:1	
Psalmi 139:2-4	
Zbulesa 15:4	
Isaia 45:21b	
Romakëve 1:18	
1 Gjonit 4:8	
Psalmi 103:8	
Efesianëve 1:7	

Karakteristikat e Perëndisë



Shiko të gjitha vargjet dhe shkruaj karakteristikat e Perëndisë në vendin bosh.

Vargu	Karakteristika
Psalmi 90:2	
Zanaqilla 17:1	
Zanaqilla 1:1	
Psalmi 139:2-4	
Zbulesa 15:4	
Isaia 45:21b	
Romakëve 1:18	
1 Gjonit 4:8	
Psalmi 103:8	
Efesianëve 1:7	